

3

T 3160/7116.83

CHINESE - JAPANESE LIBRARY OF  
HARVARD - YENCHING INSTITUTE  
AT HARVARD UNIVERSITY  
SEP 25 1939

隴西縣誌射

三册

卷七選舉

卷八鄉彥

卷九孝義

節烈

方技

隱逸

流寓

仙釋

隴西縣志卷之七

選舉誌

選舉

鄉舉里選造士古矣漢制多途曹掾為先科第之選盛於唐宋然傳者寥寥如故第弗深考明以三途用人唯制科獨盛我

國家沿之典甚鉅也隴西古稱多才山川之粹聚焉自明訖今人文蔚起科第蟬聯或賡志以終或不竟所用君子惜焉其傳於人物者益駸駸乎與古為徒矣

哈佛大學漢和  
圖書館珍藏印

進士

明

韓縉 永樂部郎中 任

宋

宗 成化丙戌仕至 太僕寺正卿

楊華華

正德丁丑 山西巡按 察司

劉應熊

嘉靖辛丑 廣東道

杜和春

萬曆丁丑 刑部主事

郭充

原名九圍 崇禎 刑部 給事中

右府學

范鏞

宏治癸丑 都御中

王朝用

正德辛巳 監察

王言

嘉靖庚戌 戶部主事

楊恩

萬曆乙未 戶部主事

關永傑

崇禎 陳殉 難 卹 贈 勳 察 副 使 兵 備

皇清

宋朝楠

康熙戊辰 通政司正

陳長復

雍正癸卯 任

馬榮朝

雍正丁未 河西縣

汪執桓

雍正丁未 靈壽縣

楊名世

乾隆丁巳 山西同考 試官

右縣學

舉人

明

張顯

荏平縣

王

順 渾源

蹇升

蘭州

字

敏 嘉定

楊崇

石州

張

鵬 騎衛

龍

李逢春 石州知州

楊銘 永寧府同知

王愨 懷仁縣知縣

王潔

曹肅

陳紀賢

楊仕敏 山西布政司左叅政

周安 彰明縣知縣

王瓚

張鐸 榆次縣知縣

劉鉞 遵化縣知縣

楊廷濟 內鄉縣知縣

史祿 保定府通判

范恩

孫光 嘉靖丁酉

陳爵 嘉靖庚子

柳東光 嘉靖癸卯

朱益 嘉靖丙午

楊萃 嘉靖丙午

王轍 嘉靖丙午 西河

党益 嘉靖乙卯 長治知縣

徐轍 嘉靖甲子 平遙知縣

何遷 隆慶丁卯

張西銘 隆慶丁卯

楊時亨 萬曆乙酉 大行知縣

李修遠 萬曆戊子 武知縣

何士瑋 萬曆戊子 貴州按察司副使

楊國正 萬曆丁酉 常德府同知

楊毅 萬曆丁酉

楊翼 萬曆庚子 戶部主事

暢應登 萬曆戊午 高平知縣

宋薦 崇禎癸酉 昌黎知縣

楊亨 崇禎己卯 刑部主事

陳九經 崇禎己卯 禮部郎中

皇清

范英 雍正癸卯

洪且重 雍正己酉

右府學

唐 偉 廣東道 御史

景 忠 寧化 知縣

何 銘

陳 芳 四川 御史

鄧 璇

暢 茂 陽穀 知縣

曹 銘

杜 儼 山西 行太 僕寺 卿

楊 善

石 璞

柳 縉

楊 景 鏞 閬中 知縣

楊 世 傑

王 紀

韓 傑 萬全 衛 都事

劉 世 綸

張 傑 國子 監 助教

閔 淳 嘉靖 知縣

王 尚 質 嘉靖 丁酉 水 平府 同知

車 錦 嘉靖 知縣

王 慶 光 嘉靖 丙午

程 瑄 嘉靖 丙午 通判

李 光 鸞 嘉靖 壬子

王 仰 中

趙 邦 奇 嘉靖 戊午 成 都府 通判

江 化 龍 天啟 知縣

周 璜 崇禎 午九 江府 知府

劉 奇 芳 崇禎 癸酉

石 中 玉 崇禎 卯 宜城 知縣

黃 聖 果 崇禎 己卯

皇 清

邢 昭 康熙 甲子 長垣 知縣

楊 鼎 錡 康熙 丙 子 未 任

康 甲 科 康熙 己卯 山西 禮記 房 稱 得 人 擢 陞 靖 遠 衛 教 授 後 以 銓 以 疾 卒 於 家 候

楊 鼎 錡 康熙 丙 子 未 任 思 科 分 校

衛 改 縣 歸 里 候

宋朝 棟 康熙 乙酉 三原 教諭

馮 盡 善 康熙 乙酉 朝 邑 知 縣

董 霽 康熙辛卯現任

王佩蘅 康熙甲午任

楊 倓 雍正西

右縣學

乾隆元年

恩賜六品頂帶孝廉

宋 哲 府廩生員

李殿英 縣廩生員

貢生

明

張 郁

趙 慶

金 溥

陳 謙

何仕佑

陳 言

李 沂

洪九疇

陳 越

權 嵩 尚寶寺正卿

洪 漢

宋 欽

陳世傑

宋廷俊 滄漢縣丞

劉 輝

王仕曇 鴻朋序班

賈世寧

吳 岬

王大經

党時暢

王世美

劉廷琮

李 瀛

暢 美

宋廷瑤

姚元

張九叙

李洽

劉光

史標

何朝聘

吳珊

李調元

丁麟

徐應元

劉廷夔

劉鎰

鄭廷寶

劉廷瑤

馬遠

孫顯

李暢元

楊恆吉

劉時貞

韓選

田昉

謝復初

張騰蛟

溫清

胡璉

景遇春

焦世芳

張懋德

范學增

史桂芳

劉存敬

楊時暢

党國範

包永孝

溫允厚

杜清

何大進

王四勿

山西曲沃知縣

沐陽知縣



皇清

楊敏

初相河南理問

汪宗周奉天府

暢溥五河縣知

任維邦

胡瑞名維南訓導

康如崙

何振

楊世澤

楊煥彩

李白新

孟翱

孟智城固訓導

史美勳

田發

何洪基

杜景耀興安訓導

程鵬

王銘選拔誥封奉政大夫

汪澤深

陳瑞龍長安訓導

馮瓚

馬勛烈

閔恪選拔

馬國輔

杜蕃生渭源訓導

王鼎鉉

馬際伯

史書勳

孟暖岐山訓導

孫寶德潼關訓導

楊鼎鑑延長訓導

陳恪

李敏

康秉哲

郭鼎

任茂先

董錫

龐文相

張躍龍

陳紹宗

選拔宜都知縣

李貞

李達

曲天祥

紫陽訓導

董夢河

張予悰

趙之璜

高陵訓導

趙瓚

陳周璜

郭廷連

趙光宗

閻民尊

王藩

副榜湖廣歸州判

董經邦

謝如英

董風翔

中衛訓導

董或

喬大貴

安琮

卜大中

賢裔

張四維

景煥

吳煥

選拔

宋芳

曹階

選拔現任湖廣鄖陽知縣

孟卜

閔應詔

李聖化

張應魁

賈敷言

王綬

董露

閻諮

景人迴

楊光績

王綬

謝瓚

選拔

以上府學

明

楊亨

李景

楊瀛

張達

李賈

賈繹

王厚

張瓊

張英

王良輔沈邱訓導

何溥

何順

劉玉

閔仕

李孟元

杜鳳

陳表

暢榮

楊鳳儀

柳景和

柳景時

杜鸞

孫希賢

何用賢

董文英

張璧

王傑

張益

閔秀

孟昂

杜文澄

邢途八臣

趙岐鳳

楊中

王詒

何輔朝

邢舉

高隆

謝侃

李暘山西河曲縣知縣

何焯

李揆

孫恢

劉怡

張應暉

劉秉乾

謝緒

杜重

杜漸

李暢

柳文

楊光

王化中

趙克述

知安東縣

楊于庭

忻州知州  
進階同知州

趙立志

李守素

車輅

何治徵

王守敬

宋宰

李暹

四川長壽縣知縣

李實茂

山東青州通判

孫振趾

杜恒

蒲敏生

閔化淳

恩貢仕吳橋知縣

陳際龍

杜杰

通判

皇清

賴典

孟家棟

河間府知府

羅高品

通判

趙之蘭

縣丞

董景舒

神木訓導

馬衛江

李唐英

牟養民

趙之諱

西安府訓導

杜之甫

吳世澤

楊所壯

李喬連 訓導

王躬理 鎮安訓導

蔡見龍

劉子晉

趙國成 華州訓導

牟紹稷 漢中府訓導

王道行 誥封奉政大夫

汪景烈 華州訓導

楊其忠 莊浪訓導

辛瀛捷 蒲城訓導

蔣雍

馬德

候柔遠

杜讓

杜崑

楊聖序 副榜寧夏教諭

郭迎暉

閻育貴

康士芳

趙鍾

宋燮

暢我衷 靜寧州學正

何永清 現任狄道訓導課試維殷文風丕振

何宜

王歷

李鳳儀

吳之珽 歷仕寶應縣知縣

魏紫舒 現任華陰訓導

鮮繼侁 恩貢銓三水教諭未任而卒

苟正身 現任平番縣訓導

楊聖敬 現任寶豐縣訓導

王琮 選拔

謝如松

王光漢

宋來賓

曾汝為

汪原崧

康甲相

楊爾芳 恩掄

宋蕃 選拔

宋 晉

楊 烘

張玉璿

王 仕

右縣學

乾隆元年欽奉

恩 詔准給八品頂帶榮壽官

李扶樞 八十六歲

陳農道 四十八歲

楊 澤 五十八歲

汪周禮 三十八歲

王彩珍 八十五歲

恩 詔應給八品頂帶生員田蔚林年八十四歲現在請

旌

蔚林字有特其先為蜀人自其祖遷隴世業耕讀  
誇禮傳家入庠後秉禮守義足跡不履公庭居鄉  
中表正行端令聞洽於閭里年逾八旬堪昭太平  
之瑞居同五世用徵風化之隆誠一邑光也故附  
登於此

鄉飲賓

康熙三十四年

王朝海 歷任總兵

孟昌祚 生員年七十八

楊芳達 年五十八

康熙三十八年

孟家棟 河間知府

喬振祖 年三

雍正九年

辛瀛捷 蒲城司訓 李巢鳳 生員 張緒聖 年八

雍正十二年

汪景烈 華州司訓 田蔚林 生員 馬際仁 年七

農官

石倬

汪加璉

何得福

王元

陳義

武科

我

國家制科取上文武同芳較於前明畸任偏矣是以  
舊志率重文而畧武即科第多弗錄夫風詠干城  
雅稱禦侮流連篇什古人豈有岐焉而乃使煌煌  
顯科不得與帖括者同列即何以鼓舞人材懋壯  
猷之烈乎亦甚負作人之意矣茲詳採而次之

皇清

武進士

李大宗 康熙

魏之乂 康熙

陜西通志  
卷之八  
劉憲章

貴州勸里  
營參將

孫道林

西寧永安  
營參將

李學詩

福建延平  
協參將

人物誌卷之八

卿彥

懸曜列宿象緯昭矣蘊玉藏珠山澤潤矣人秉戴  
履之精毓淑靈之秀當其地際其時必有瑰磊奇  
偉不可磨滅之正氣出而應之豈偶然哉隴西地  
跨西北土厚水深自義皇肇跡以來英豪輩出雖  
顯晦殊途剛柔異品然而駿烈卓行高標孤詣以  
之衛名教障頽風其趨一也他若擅絕藝以成名  
精空懸於物外史冊不沒亦姑從其類云  
廉褒襄武人成哀間為右將軍在河西以恩信結羗



戎羗戎感之

彭祈襄武人為州別駕歷西郡酒泉宏農畧陽四郡守累官封侯所至忠以衛上清以守已威以克敵思以惠下

東漢

龐柔南安豎道人惠之兄也仕於蜀建安二十四年前將軍閔羽攻樊城曹操加龐惠征西都先鋒令副于禁解樊城之圍領軍將校董衡語禁曰惠親兄龐柔官於西川今使為先鋒是潑油救火也及羽滄七軍惠被擒羽曰汝兄柔乃心漢室汝何不降惠岷強不屈遂殺之惠有兄如此乃不知愧語操曰惠在故鄉時乘醉殺嫂兄恨惠入骨髓誓不相見惠之為人尚可道哉

晉

李暉字元盛隴西人世為西州右姓父祖早卒遺腹生元盛少好學沈敏寬和美器度通涉經史尤善文義及長好孫吳兵法呂光末段業自稱涼州牧署元盛效穀令燉煌護軍郭謙等推為寧朔將軍燉煌太守復推元盛為大都督將軍涼公秦涼二州牧護羗校尉元盛乃赦其境內建年廣平遣宋

繇擊玉門以西諸城皆下之義熙初元盛改元為建初遣使間行奉表詣晉後遷居於酒泉又以前表未報復遣使間行奉表元盛既遷酒泉乃敦勸稼穡年穀頻登百姓樂業其後枝姓繁或籍張掖或分散天下皆本隴西云

姚弋仲南安赤亭羗人少英毅為衆所服後事石虎虎嘗召弋仲擊梁犢弋仲輕騎至鄴貫錕跨馬於庭中曰老羗固能辦此虎壯之遂滅梁犢弋仲有子四十二人戒之曰吾本欲歸晉以石氏待吾厚吾死汝必歸晉石亡乃遣使詣降永和七年拜節

大都督封高陵郡公

南北朝

李叔仁隴西人驍健有力數從征討以功賜爵獲城鄉男破王超宗遷洛州刺史討平齊州

垣護之桓道人少倜儻氣幹強果元嘉初為殿中將軍累遷鍾離太守隨王元謨入河為前鋒進據石濟及元謨敗退魏軍悉牽元謨水軍大艚連以鐵鎖三重斷河絕護之歸路河水迅急護之中流而下以長柯斧斫之魏人不能禁既還戍淮陰領濟北太守義宣反護之率水軍大破之遷青冀二州

刺史封益陽侯謚壯

垣崇祖護之弟子父詢之驍敢有氣力張超行大逆  
詢之謀召超不至往殺其僕於床因南奔宋孝武  
以為積射將軍梁山之役力戰中流矢卒崇祖少  
有幹畧歷蘭陵太守徙豫州刺史魏人攻壽春崇  
祖乃以城北堰塞肥水堰北築小城使數千人守  
之曰寇攻小城吾破堰放水皆為流屍矣魏人果  
攻小城崇祖着白帽肩輿上城決堰魏衆溺死數  
千高祖謂朝臣曰崇祖恒自擬韓白今真其人也  
進為都尉加鼓吹一部崇祖慮魏復攻淮北啟徙  
下蔡戍於淮東魏果攻下蔡崇祖大破之領驍騎  
將軍

垣榮祖崇祖從父兄父諒之宋比中郎府參軍榮祖  
善騎射建中時為後軍參軍後歸齊高帝除東海  
太守榮祖善彈見翔鵠雲中曰當生取之乃彈其  
兩翅毛脫墜地無傷養毛生後飛去預佐命封爵  
樂縣子拜兗州刺史

垣閎榮祖從父弟歷度支尚書衛尉封樂鄉縣男齊  
高帝為子晃求閎女閎曰齊大非偶及即位封爵  
如故閎子儁伯善射歷巴西梓潼太守閎弟子曇

深以義行稱為臨城縣得俸買宅奉兄退無私蓄  
劉楷為交州謂王儉曰欲得一人同行儉曰昔垣  
閔為交州閔弟又為九真郡皆著信南中羽林監  
曇深雅有學行當令同行及隨楷未至交州而卒  
儉惆悵久之

李冲隴西人為散騎常侍南部尚書高祖即位政事  
無不訪決冲竭忠奉上知無不盡羣臣咸輔無不  
服其明斷慎密封濮陽郡公

字延賞字

冲之也性温良為太子舍人北魏

世祖景明初襲父冲爵莊帝即位以元舅起授侍

中太保封濮陽郡王延賞抗表固辭徙封濮陽郡  
公爾朱兆入洛以外戚見害出帝初贈太師謚孝  
懿

焦度字文續南安人西魏寇青州刺史顏師伯遣  
度領軍大捷用為叅軍有戰功師伯啟孝武帝稱  
度氣力弓馬絕人帝召見度身形黑壯謂師伯曰  
真健將也沈攸之反度守郢城於城樓上肆言辱  
罵攸之怒百計攻城度力戰攸之率衆將登度令  
投以穢器終不能克事寧封東昌縣子

趙知禮隴西人涉獵文史善書翰初為陳武帝書記

及武帝征侯景上表梁元帝與王僧辯論軍事其  
文並知禮所製景平中授中書郎封始平縣子武  
帝受命拜散騎侍郎大府卿

趙昶字長舒南安隴西人弱冠以才力聞西魏文帝  
大統九年李鼠仁作亂宇文泰將討之使昶見鼠  
仁諭以禍福群凶將加刃於昶昶神色自若鼠仁  
感悟遂相率降氏人梁道顯畔泰復遣昶慰諭之  
道顯等款附先是汾州叛昶破之以功封昌武縣  
伯時科發切急復相率謀叛昶往臨之乃收其首  
逆者二十餘人斬之餘衆遂定除大都督行南秦

州事恭帝初加驃騎大將軍開府儀同三司昶自  
居將帥之任傾心下士所獲氏羗撫而使之皆為  
盡力後周明帝時進爵長道郡公賜姓宇文氏

趙貴南安人少穎悟有氣槩魏孝昌中討元顥有功  
累遷大都督行秦州事為政清靜民吏懷之時嘗  
泥據靈州貴討平之又以預立文帝功進爵為公  
孺孺寇廣武擊破之封南陽郡公又封楚國公

辛威隴西人慷慨有志畧從西魏文帝攻回洛城功  
居最尋拜寧遠將軍進爵為侯從擒竇泰復宏農  
戰沙苑勇剋一時從于謹破襄城又從獨孤信入

洛陽進爵為公後周孝閔帝踐位拜大將軍進爵  
枹罕郡公討丹州破之明年從尉遲迴圍洛陽還  
拜小司馬討綏銀等諸州並平之六年從齊王憲  
東伐拔伏龍等五城拜大司寇性嚴重歷官數十  
年未嘗有過五世同居世尤稱之

任杲字靜鸞南安人世為方隅豪傑性勇決志在立  
功西魏廢帝時率所部來附宇文泰待以優禮杲  
因面陳取蜀之策泰深納之授車騎大將軍復令  
杲乘傳歸南安率鄉兵一千人從征蜀授驃騎將  
軍泰以其方隅望族早立忠節乃進爵去樂郡公

錫之路車駟馬鐵券以示寵異

趙仲卿隴西人後周高祖武帝建德六年平高齊論  
功遷中卿上柱國開府儀同三司兼趙郡太守入  
為中大夫王謙作亂仲卿督兵前後十七戰謙平  
進位大將軍封長垣縣公

唐

李元道隴西人唐太宗貞觀中為常州刺史風績清  
簡下詔褒之

李白字太白隴西人隋末多難徙家西域後還天水  
復客廣漢隱匿姓字父遂以客為名初白之生也

父指天枝以徵妣母夢長康而告祥十歲通詩書  
 既長隱於蜀之青蓮鄉州舉有道不應益州長史  
 蘓頲一見異之曰是子天才英特可比相如力是  
 聲聞於世然少任俠喜縱橫好擊劍及居任城與  
 孔巢父韓準裴政張叔明陶沔居徂來山號竹溪  
 六逸天寶初至長安賀知章見其文歎曰子謫仙  
 人也言於元宗石見金鑾殿上降輦步迎論當世  
 務草答番書辯如懸河元宗嘉之賜食御前親為  
 調羹詔供奉翰林他日上泛白蓮池召作樂章而  
 白已被酒左右以水頰面稍解援筆成文上愛其

才數宴見常侍帝醉使高力士脫鞵力士耻之摘  
 其詩以激貴妃上欲官白妃阻之白自知不容益  
 驚放不自修與賀知章等為酒中八仙疏請還舊  
 山許之晚坐永王璘事當誅郭子儀請解官以賜  
 詔赦免流夜即放還渡牛渚至姑孰悅青山盤桓  
 放歌有終焉之志代宗以左拾遺召而白已卒今  
 其故宅之井猶稱太白井云

按青蓮涼武昭王蜀

州書自署隴西布衣舊志本此立傳其云故宅

之井稱太白井者在秦州東郭則署名隴西

或用古郡名非必即今之隴西縣也若相傳仁  
 壽山有墓蓋滋聚訟姑存疑以脩考李揆亦然

李揆字端卿隴西人僑寓榮陽性警敏善文章開元

末擢進士第乾元初拜中書舍人知制誥宗室請  
上皇后號翊聖肅宗問揆對曰前代后妃終則有  
謚景龍不綱帝氏專恣乃稱翊聖禮之所非帝驚  
曰幾誤我家事遂止帝欲建儲屬意成王以揆一  
言而決俄兼禮部侍郎揆病取士不考實請於廷  
中陳五經諸史引貢生謂之曰國家選士務得才  
可盡所欲言未卒事拜中書侍郎平章事修國史  
封姑臧縣伯揆美風儀善奏對帝歎曰卿門第人  
物文學皆當世第一時稱三絕盧杞素惡揆用為  
入番會盟吏拜尚書左僕射揆不敢辭揆至番其

表曰聞唐有第一人李揆公是否揆給之曰彼  
揆安肯來耶使還道卒年七十四贈司空謚曰恭  
李觀字元賓隴西人年二十四舉進士三年登上第  
又舉博學宏辭得太子校書年二十九客死於京  
師葬國東門外慶義鄉之高原韓愈稱其行清峻  
於尋常人不苟有論說旣歿其文益可貴重

李益字君虞故宰相揆族子也始八歲辟地姑臧大  
歷四年登第出身長於詩歌與宗人李賀齊名每  
一篇成教坊樂工爭以賂求取之被聲歌供奉天  
子至征人早行篇天下皆施之圖繪同輩行稍之



通顯益獨不調鬱鬱去游燕劉濟辟置幕府進為  
營田副使憲宗雅知其名召為集賢殿學士文宗  
太和初以禮部尚書致仕益少有心疾多猜忌防  
閑妻妾苛甚世謂妬為益疾且負才凌士衆不能  
堪至摘幽州不上望京樓句目為怨望劾之降秩  
焉

李翱字習之隴西人與李白同祖中進士第憲宗元  
和初為國子博士史館脩撰條興復太平大畧再  
遷考功員外郎後除朗州刺史召為禮部郎中翱  
性峭鯁論議無所屈常面斥宰相李逢吉過失逢

吉詭不校翱懼即移病有司白免官逢吉更表為  
盧州刺史時州旱民無食權豪賤市田屋牟厚利  
而窶戶仍輸賦翱下教使以田占租無得隱收豪  
室稅萬二千緡貧弱以安入為諫議大夫知制誥  
中書舍人出為湖南觀察使山南東道節度使卒  
翱始從昌黎韓愈為文章詞致渾厚見推當時昌  
黎稱曰翱有道而甚文著作極一時之富復性書  
三篇漢以後諸儒皆莫逮故謚亦曰文

李賀字長吉隴西人七歲能辭章韓愈皇甫湜始聞  
未信過其家使賀賦詩援筆輒就如素構自目曰

高軒過二子大驚自是有名為人纖瘦通眉長指  
 爪能疾書每旦日出騎弱馬從小奚奴背古錦囊  
 遇所得書投囊中及暮歸足成之非太醉吊喪日  
 率如此過亦不甚省母使婢探囊中見所書多即  
 怒曰是兒當嘔出心乃已耳以父名晉肅不肯舉  
 進士愈為作諱辨然卒亦不就舉辭尚奇詭所得  
 皆驚邁絕去翰墨畦逕當時無能效者樂府數十  
 篇雲韶諸工皆合之管絃為協律郎每自署曰隴

西李賀卒年二十七

卒之前一夕夢青衣人傳帝命云上天白玉樓成召賀作

賦如期而逝

趙憬字退翁渭州隴西人肅宗寶應中天下游饑憬  
 褐衣上書請殺禮從儉識者躋之進太子舍人以  
 母喪免有芝生槐樹上貞元中咸安公主降回紇  
 詔憬副關播為使異時使者多私齎以市馬規利  
 獨憬不爾使未還尚書左丞缺帝曰趙憬堪此陸  
 贄韋武為裴延齡所構憬論救皆得免憬寃心治  
 道常以國本在選賢節用薄賦寬刑又獻審官六  
 議帝皆然之下詔褒答性清約位台宰而宅第僮  
 僕猶儒生家得廩食先建家廟而不營產謚曰貞  
 辛祕隴西人德宗貞元中擢明經第長於禮學憲宗

隋書  
卷之八  
初拜湖州刺史李錡反以祕儒者易之祕召牙將  
邱知二夜開城收壯士得數百與賊大戰斬其將  
進焚營堡錡平賜金紫遷河南尹河東范希朝出  
討王承宗召祕為希朝司馬主留務進拜昭義軍  
節度使恒趙亂後潞人凋耗祕至約出入嗇用度  
比四年儲錢十七萬緡糧七十萬斛器械堅良復  
為完鎮祕為大官居不易第服不改初其俸祿悉  
與親屬

李讓彛字達心隴西人擢進士第累官諫議大夫文  
宗開成初起居舍人缺帝謂李石曰褚遂良以諫  
議大夫兼起居郎今諫議誰可者石以讓彛對  
曰可進中書舍人武宗會昌初李德裕復入三遷  
至尚書右丞讓彛廉介不妄交位雖顯劇以儉約  
自將為世羨美

李石字方舟隴西人第進士歷官登宰執嘗以晉張  
華所撰博物志做山海經而作故畧因續志十卷  
門人黃公泰跋曰詩識鳥獸草木之名易知鬼神  
之情狀於道與有力焉子在川上所見者水而所  
取者道具此見以觀此書則幾矣父鵬盛唐縣令  
弟程亦宰執福歷七鎮子孫兩世及第至尚書給

諫郡牧

李中敏字藏之系出隴西元和中擢進士第性剛峭與杜牧李甘善其文辭氣節相上下文宗太和六年大旱帝詢所以致雨者由敏上言昔東海誤殺孝婦大旱三年臣頃在御史臺推囚華封儒殺良家子三人陛下赦封儒死神策士李秀殺平人法當死以禁衛刑止流宋申錫位宰相生平餽致一不受其道勁正鄭注忌之陷不測之辜銜恨而死昔卜式請烹桑宏羊以致雨况申錫之枉天下知之何惜斬一注以快忠臣之魂則天且雨矣帝不

省以病歸注誅詔遷諫議大夫上言建言者納匭有司先審其副有不可輒却之匭出禁中若有司先裁可否恐事不重密請一裁諸上詔可遷給事中仇士良以開府階請廢中敏曰謁者監安得子士良慚恚由是復弃官去開成末為婺杭二州刺史卒於官

李蔚字茂林隴西人舉進士拜監察御史累擢尚書右丞懿宗惑浮屠常飯萬僧禁中蔚上䟽切諫引狄仁傑姚元崇辛替否所言譏病時弊帝不聽但以虛禮褒答俄拜京兆尹太常卿出為宣武節度

使徙淮南代還民詣闕請留詔許一歲僖宗乾符  
初以吏部尚書同中書門下平章事罷為東都留  
守

宋

李彥仙字少嚴鞏州人有大志欽宗靖康元年應募  
為石壕尉堅守三嘴設伏獲捷下五十餘壁初金  
得陝州用降人守之彥仙陰遣士廁其間乃引兵  
攻南郭潛師薄東北隅所納士內應噪而入復陝  
州郡邑皆響應金婁宿奇其才嘗喏以河南兵馬  
元帥彥仙斬其使至是復遣人招降彥仙命强弩

一發斃之敵益兵急攻城陷彥仙率衆巷戰矢集  
身如搨左臂中刃不斷戰愈力既而投河死之謚  
忠威

王德字子華通遠軍熟羊砦人靖康初以武勇應募  
隸熙帥姚古會金人入侵遣德謀之斬一酋而還  
古曰能復往乎德引十六騎徑入隆德府治執偽  
守姚大帥手殺百十人衆踏愕莫敢前古械姚獻  
於朝欽宗問狀姚曰臣就縛時止見一夜义耳時  
遂呼德為王夜义建炎初以勤王倍道趨闕改隸  
劉光世平濟南寇李昱池陽寇張遇襲敗李成授

武略大夫遷前軍統領叛將張昱圍和州太守張績求援德兵薄城下賊大潰斬昱俘其兵騎萬數光世方謀討苗劉之逆迎德計之遂以軍屬光世會苗劉走閩中詔德追擊德至浦城斬苗瑀擒馬柔古送行在詔加武顯大夫榮州刺史四年收真揚數郡又遇敵於揚州北有被重鎧突陣者德揮刀迎之即墮馬因麾騎乘之所殺萬計紹興初德討秀水賊邵青破之他日餘黨復索戰謀言用火牛德笑曰是古法也可一不可再命令軍持滿陣始交萬矢齊發牛皆返奔賊衆殲焉青自縛請命

德獻俘高宗召見便殿問勞褒賞特異遷行營左護軍前軍統制金兵掠江北破滁州德越江罷奪之追擒萬戶靈孛一人千戶十餘人改環慶副總管六年冬劉豫遣麟猊入寇德禦之大敗猊兵於藕塘猊獨身走麟在順昌亦遜拜相州觀察使七年改熙河蘭廓略副總管左護軍都統制十年張俊檄德就取宿州德倍道馳因潛師入宿州夜半薄賊營賊遂降德乘勝趨亳州叛將酈瓊聞德至謂其衆曰夜叉未易當也遂遜德入亳州白張俊曰今兵威已振請乘破竹之勢進取東都俊難之

乃班師策功第一封隴西郡侯十一年金人遊騎  
 及江俊議分軍守岸德曰淮為江蔽請急擊之稍  
 緩則淮非吾有矣俊猶豫德請益堅曰願父子先  
 越江俟和州下然後宣撫北渡俊乃許德即渡采  
 石俊督軍繼之夜拔和州晨迎俊入敵退保昭關  
 又擊走之追至柘臯與金人夾河而陣俊後至統  
 制田師中一作師欲待之德怒曰事當機會豈復可待  
 徑上馬兀木以鐵騎十餘萬陣於前德曰賊右陣  
 堅我當先擊之令萬兵持長斧如牆而進敵大敗  
 退屯紫金山劉錡謂德曰昔聞公威略如神今果  
 見之請以兄禮事召拜靖遠軍節度使御前諸軍  
 都統制二十五年卒贈檢校少傅二子琪順亦以  
 驍勇聞

元

汪世顯系出旺古族唐越國公華第三子達貞觀十  
 四年達征賀魯龜茲高昌有功襲封留鎮隴西子  
 三長處哲還居故里次處惠龍封與其弟處澄同  
 家隴焉世顯華二十二代孫也歷仕金元詳在宦  
 績中

汪德臣字舜輔鞏昌人世顯子年十四侍元太子濶

端獵矢無虛發罷父爵入覲憲宗所陳悉嘉納賜銀符命城沔州德臣繕治室廬部署官屬數日而集進攻嘉定克宋軍進次隆慶宋軍夜出力戰大破之又詔德臣城益昌諸戍德臣入見乞免德昌賦稅及徭役從之甲寅春旱嘉陵水溢舟阻議者欲棄去德臣曰國家以蜀事付我有死而已盡殺所乘馬饗士襲嘉川得糧二千餘石雲頂呂遠將兵五千邀戰即陣擒之復得糧五千石夏獲宋提轄令持檄諭守將南清以城降所俘城中民悉歸之東南戍卒數百有去志德臣知之給券縱還皆

泣謝未幾帝幸益昌駐北山謂德臣曰來者言利州之功不知敵曾薄汝城否對曰賴陛下洪福未嘗一來帝曰彼憚卿耳賜金帶俾立石紀功德臣微疾帝勞之曰汝疾皆為我家飲以葡萄酒解玉帶賜之曰飲我酒服我帶疾其有瘳乎世祖中統三年追封隴西公謚忠烈德臣兄忠臣謚忠讓祀鄉賢弟佐臣年二十八歿於王事謚忠勇直臣謚忠愍乾臣謚襄毅清臣謚忠敏俱封隴西公汪良臣世顯子年十六從兄德臣出征輒當鋒詔權便宜總帥府事世祖即位阿籃台兒渾都海逆命



劫六盤府庫西陲騷動詔良臣討之良臣誓諸將  
 擣之賊大潰獲都海殺之捷聞賜金虎符中統二  
 年火里叛復討平之轉鞏昌路都總帥四年春良  
 臣攻重慶與宋將朱禎孫戰塞其歸路引兵橫擊  
 盡殲焉十一年進攻嘉定宋將咎萬壽悉軍出戰  
 大破之伏尸蔽江萬壽乞降良臣奏免死居民安  
 堵中統十三年宋安撫張珏據瀘州良臣擊之身  
 中四矢督戰益急珏所部趙安開門降珏潛遜良  
 臣禁俘掠發粟賑饑民大悅四川悉平捷聞召良  
 臣入覲授中書左丞行四川中書省事良臣陳治

蜀十五事皆嘉納至成都卒追封梁國公謚忠惠  
 汪惟正字公理德臣子幼穎悟家藏書二萬卷喜從  
 文士議論古今得失尤喜談兵父卒於軍襲世爵  
 守清居山乞吉不花叛惟正知之遽命力士縛而  
 殺之世祖嘉其功詔東川軍事悉聽處分中統三  
 年詔還鞏昌部長火部叛民大擾惟正發兵踵之  
 因潛兵出其不意擒殺之中統十四年藩王土魯  
 叛於六盤惟正進次平涼簡鞏兵銳者八十人與  
 俱去賊一里許皆下馬手弓令引滿毋發及土魯  
 來突於是矢驟如雨土魯却走惟正麾兵逐之三

踰山土魯就擒入朝授金吾衛上將軍命惟正分省於蜀留意撫循蜀人安之卒謚貞肅加封南安王崇祀鄉賢

李廷玉亦名忽蘭吉隴西人從征西川以功授管軍

總領太弟

時世祖為太弟

命佩銀符為管軍千戶憲宗更

賜金符大獲山守臣楊大淵納款已而逃歸憲宗

怒將屠其城忽蘭吉乃單騎至城下大呼入城曰

皇帝使我來撫汝軍民執大淵手謂曰上方宣諭

賜賞不待而來何也大淵曰誠不知國體非敢有

異謀遂與偕來一軍皆喜忽蘭吉入奏憲宗問之

對曰城門不閉一聞臣言即從臣出無他心也憲

宗悅賜葡萄酒二十年改四川南道宣慰使時蠻

獠叛服不常往往劫掠邊民至元二十年命忽蘭

吉等討之鑿山開路分兵並進多所擒戮諸蠻長

率眾來降二十三年入覲以老病乞歸還鞏昌二

十七年授陝西行尚書省左丞元貞二年入覲改

右丞卒謚襄敏

武唐信隴西人以都總帥提兵陝西時輸糧魚關轉

漕寶峰以給軍食河流湍悍船運不時達諸將嗷

嗷以待朝命唐信督夫匠疏導嘉陵江上流險灘

隋書 卷之八  
以便漕運七旬畢事繼命督夫匠治軍糧陸路自  
武興而上修險路一百八渡經秋涉冬計運糧八  
萬有奇脩懸崖閣道三千六百餘間橋梁六十四  
所避水患三百餘渡自是行人不苦漕運流通蜀  
道可長驅而入矣

完澤祖官司徒謚康僖父拜西道都元帥謚康惠澤  
歷仕成宗武宗仁宗三朝官銀青榮祿大夫中書  
平章政事開陳善端慎簡僚佐凡郡邑置專司以  
統僧道漁獵百姓及諸驟援遙授者悉令汰去朝  
野翕然稱便卒追封鞏昌王謚安懿

貴拜住平章完澤長孫朶爾只班子也拜住少受學  
於字水魯朶許謙張養浩陶成於虞集呂澂楊載  
文清而醇弱剋廷對陳君臣之大本經世之急務  
文思煥發萬言立就既及第順帝賜姓曰貴故當  
時皆稱貴狀元家爵嘉議大夫陝西漢中道副使  
至正十七年倪文俊陷川蜀偽將明玉珍攻漢中  
拜住於城拒守力屈死之贈資德大夫陝西行中  
書省右丞與李黼普顏不花泰不花余闕齊名

明

汪庸世顯五代孫元亡歸明洪武初改授鞏昌衛世

襲指揮同知欽賜金筒誥命一道折俸公田二十四處異姓家人七十二戶事在宦績中

韓縉字子雲以周易舉南京鄉試第一登永樂丙戌進士成祖以縉積學能文特勅歸省及還拜吏科給事中敷陳時政裨益為多轉工部主事尋轉南戶部郎中歷事三朝才名茂著學者稱為關西韓夫子勅載藝文志

楊仕敏字克勤初父晟禱於仁壽山妊十四月而生有四齒火光滿室稍長有成人之度永樂丁酉以禮記舉於鄉後拜監察御史在臺十有三載考績

居最上以為真御史正統間進太平知府在太平振學校廣儲蓄修城池舉廢墜而郡大治六載遷河南按察司副使太平民七百餘請於當道曰自楊公涖郡吾不知無衣與食吾不知有吏與胥苟去吾何以生當道為奏請允焉加三品俸仍管府事景泰初遷山西布政司叅政加俸一級五載以疾乞歸歸之日行李蕭然既歸足跡不至公門未嘗口談人過隴西人服其德望無賢不肖皆以楊父稱之上遣行人李誠召仕敏以老固辭加二品俸命布政司歲給米十石八十六卒

王敬隴西監生永樂間知太湖縣性毅直有膽略豪  
強斂跡政簡而平吏民德之

汪壽字永年世顯九世孫也永樂初廕襲指揮同知  
守鞏昌二十年以靖邊功進指揮使正統間屢立  
戰功歷都指揮使擢都督僉事鎮守涼州孫麟以  
廕嗣指揮使累遷至陝西掌印都司乞養歸敬賢  
達恤孤弱賑饑寒助婚喪有乃祖風

宋琮字庭用成化己酉以春秋舉於鄉戊戌成進士  
授戶科給事中首劾權宦汪直罷西廠有冒太后  
兄者琮上疏辨其詐罪之嗣轉吏科左給事中陞

都給事中知無不言其大者如寢南安之征沮遼  
東之役救直臣馬文昇強珍逐妖人李孜省繼曉  
著誠意正心說存養保治疏每以國家治亂安危  
所繫推誠辯論雖廷杖猶力爭之必待俞允而後  
已時邱濬為尚書廷薦琮能正君德以保治道闢  
邪說而摧權姦非徒以直諫為能者自是中外屬  
望嘗奉命鞫獄南都經略宣大查盤畿輔清理莊  
甸所按之處咸得其平上益重之宏治三年陞太  
僕卿在同寺前後凡十年直氣愈厲琮遘疾上命  
御醫張瑾調治之卒於官賜葬祭諭祭文載藝文

志崇祀鄉賢

范鏞字鳴遠鞏昌衛籍華亭人成化丙午以禮記魁  
省試宏治癸丑登進士拜監察御史巡察五城豪  
右屏息出按雲中風裁稜稜繼按黔中遷浙江按  
察司僉事蕭山尹鄒魯讐其邑御史何敬陷之死  
鏞廉得其情以魯抵何死浙人服其明海寧旱分  
守臣往賑百姓以不均訟廼屬鏞往民咸曰青天  
君來吾屬生矣進副使備兵建昌中貴聞鏞風采  
戒其下不敢橫正德五年仍以副使治建昌罷開  
礦平蜀盜擢浙江叅政尋進按察司海潮壞民田

有司雖發賑而民猶沟沟當路屬鏞按之甫西川  
民咸安堵江西盜起當路薦鏞治於衢盜平擢僉  
都御史提督江淮兵操稽覈行伍劾罷懷寧侯孫  
應爵擢右副都御史撫雲南剷奸剔弊平賦均徭  
時逆寧擅權其黨犯法鏞繩之不少貸寧啣之鏞  
素與兵部尚書王瓊左瓊附寧因啖論鏞逮赴詔  
獄欲寘於死朝論譁然爭之乃左遷湖廣右叅議  
明年抵任以疾卒嘉靖初侍御曹珪唐龍以鏞清  
修勁節落職非本罪請復其官並賜葬祭謚恭惠  
劉憲鞏昌衛人由監生成化間知奉化縣政平刑簡

民心信服

楊銘天順壬午舉人歷官永寧府同知清慎愛民政  
無過舉致仕家居三十餘年足不履公門手不釋  
卷年九十餘而終

馬昊宏治乙未進士以御史建言謫真定府推官教  
吏士習武民有劫盜悉擒之陞四川按察僉事蜀  
盜藍鄙反昊簡驍勇千人隊立長以待賊來逼城  
昊夜出擊賊營亂悉兵乘之斬首千級乘勝直前  
賊方陣左而伏兵於右昊以正兵當左而身與百  
騎直擣伏伏驚潰左亦潰遷副使治兵川東與總

督彭澤合擊大破之進僉都御史撫蜀賊餘黨竄  
東鄉山乃以步兵三萬據出入要道賊累請降叩  
焚人普法惡立寨借號攻劫昊周視其寨遣兵據  
泉口兩日賊渴敗走誅普法惡遷右副都御史廢  
一子錦衣百戶

杜儼宏治中以鄉舉授浙江台州府同知歷知府至  
山西行太僕寺少卿以清苦牧民以孝友範俗鄉  
人稱焉歿祀鄉賢

暢華字子實祖茂永樂間以舉人知陽穀縣父祿以  
國子生主簿孟津改祥符俱有政績華六歲即知

學及長宏治甲子領鄉薦正德丁丑登進士授常  
州無錫令錫繁劇華宰之有餘力嘉靖初擢刑部  
主事讞獄明允進員外郎審錄南畿多所平反遷  
山西按察司僉事分巡河東岢嵐盜起華率兵剪  
其巨魁脅從盡釋之膺金幣之錫初河東游饑專  
勅華弭盜安民會有倡白蓮教者取其人至曉以  
禍福其人感泣即散後猗氏民坐此誅戮者甚衆  
人乃知華曲突徙薪之恩溥矣既與當道不合致  
仕卒

劉鉞字廷威宏治丁卯舉人正德中任遵化縣知縣  
素履清苦約已裕民政尚簡易無赫赫名而蝗不  
為災人稱異焉生平口不道人過有古人風

王朝用字行甫器宇不凡善屬文提學朱凌谿選入  
正學書院與王給舍子推俱以文鳴正德癸酉舉  
於鄉辛巳成進士授懷寧令時懷寧盜賊蜂起又  
值逆濠兵燹之餘朝用恤民法弊六事修舉敏而  
惠懷寧民懷之擢監察御史中貴請官織絨臨鞏  
朝用以災困請罷允之勅按鹺兩淮鹺政窒朝用  
請復舊額商稱便而鹺遂通繼巡山西議平太行  
巨盜及讞獄摘奸卓有風裁未幾以毀謫和州判



遂不之任

宋鈞琮之子總角入郡庠尋以父廕除光祿司署丞  
正德時奏減冗費錢歲十餘萬罷南京酒運遷大  
正嘉靖十一年出守簡州政舉賦平以折獄名他  
郡邑有冤獄悉求委判佩若神明薦陞慶府長史  
三十二年錄其勞加正四品服色隆慶二年有司  
奏致仕左長史鈞心學方正志節不凡歷仕四十  
餘年忠勤茂著齒德俱尊詔加三品賜服中大夫  
何溥由監生歷官至保寧府通判官皆稱職其居鄉  
問尤以謹厚稱

种勛字世賞其先順天通州人曾祖興嗣陝西都指  
揮使司分守寧夏死於戰祖泰襲鞏昌衛指揮同  
知以疾卒父霄襲成化末虜入寇戰歿黑山堡勛  
襲其職正德初守脩西固屢立戰功嘉靖初以累  
功擢右軍都督府署都督僉事充總兵官佩征西  
將軍印鎮守寧夏復積戰功錫金帛每拔劍自誓  
期直搗賊巢以靖邊塵其後我軍屢勝彼虜屢北  
賀蘭不復有燧上嘉其功賜以玉帶晉右都督三  
載以疾免歸家居事母以孝稱子繼長於騎射任  
遼東副總兵靖邊却敵有父風

閆嶽字庭嶽其先江都人以功授鞏昌衛指揮僉事父震嗣勇而善謀提兵分戍酒泉麟墩之後整兵邊旅奮勇當先斬獲甚衆會日夕矢竭力戰死之將士悉為涕泗朝廷賜祭廕衛人奉於忠節祠嶽廕指揮使事祖母張孝掌衛事軍政修舉關西災異迭見上經略攘弭之策巡撫都御史馬文昇嘉其才表充把總率兵巡輯漢鳳嶽宣德威訊馘首招脅從不妄殺一人未幾盜息進署都指揮僉事守備階文勤搯練謹烽堠每出戰身先士卒故人樂為用羗人款服子縉

周縉字朝義性明敏體魁梧通書史善騎射以選掌衛事卓有賢聲以薦遷署指揮僉事守備岷州番彛效順邊境肅然暇則課諸生以學士多成就改守備蘭州嚴冬追賊中寒卒於官岷人懷之祀名宦祠縉有古儒將風一時名俊如司馬彭澤中丞范鏞皆樂與之游子清襲長於詩望之如儒者而勇敢過人有祖風亦掌衛事

劉應熊字得陽鉞之子也弱冠入郡庠博極群書父遵化翁為清白吏家甚貧冬日履穿實以絮河凍噓手搦管為文不輟嘉靖丁酉以禮記魁省試正

德辛丑成進士筮世嵩縣邑人中舍王臣嚴嵩客也姪承芳橫里中民甚苦之應熊得其殺人事立寘於法監司某亦嵩客承風旨陷於獄直指許得其情力為昭雪以卓異薦於朝授監察御史西苑修醮命送臣黃冠道服惟相國夏言與臺諫俱朝服上心甚之出按河東以星變罷諸臺諫應熊方巡澤潞夕聞報朝即治裝歸歸而課耕蓮峰之陽不與戶外事年甫五十無疾而逝

王良輔正德初以國子生授河南沈邱縣訓導勤於訓迪六年辛未汴東盜起流劫郡縣當路擬良輔分守沈邱城池賊至城攻擊良輔督兵防禦三日戮力拒賊賊怒攻益急城南拒賊力不支賊登城城入良輔率長子禮諸生陳善蒼頭武等與賊接戰力屈臂被創猶罵賊不已賊壯而欲用之良輔罵曰我儒官豈從賊耶與禮等俱遇害當路奏聞歸其喪錫其子賓冠帶

雷龍字雲從號碧潭鞏昌衛人自幼技勇絕人而風神諧暢右儒生嘉靖十九年授本衛後所指揮使屯務克理歷陞建昌副總兵燕河總兵以諛歸治兵使者大惜之言於寧夏總兵喻公使佐中軍沙

拜之役敵衆我寡喻時身在行間迫甚龍血戰歷  
三日勇氣百倍矢石兼發敵屍山積餘皆却走既  
而虜悉衆復入欲決戰圖報龍乘夜抄出其前張  
兩翼衝擊之斬首四千餘級敵震山河虜衆大潰  
遷陞莊浪叅將每出不意率輕騎飛搗賊巢賊畏  
之如神四十三年陞涼州副總兵在河西累立戰  
功明年掛征西將軍印鎮寧夏穆宗隆慶改元於  
朱木口一堆石等十餘處斬獲俘級收器畜各以  
萬計鹵遠遁不敢近邊牧馬捷屢聞晉爵都督同  
知自是延綏急則改延綏宣大急則改宣大馬跡  
所到斬逆款降宣布朝廷威德其尤卓有執持者  
貢市之請一時人情多所不與龍與鑑川王崇古  
排群議力主之於是邊境帖然矣歷三鎮九載考  
績蟒服御馬之賜非一追封四代皆一品時神宗  
萬曆七年也八年上念其久勞於邊召還京陞後  
軍都督典禁軍事與李臨淮李于鱗張助甫沈君  
典諸名士遊相得甚歡九年虜復擾邊廷議以懾  
番戢邊非龍不可復佩平羗將軍印出鎮甘肅邊  
圉輯寧以疾乞骨骸歸龍由衛使至大將東西歷  
萬餘里大小逾百餘戰斬獲萬計即倉卒能以少

擊衆所向無前未嘗一衄隴西古多名將龍足當  
之

杜和春字還樸隆慶丁卯舉人登萬歷丁丑進士性  
樸直歷宰涑水萊陽魯山孤竹等縣所至有聲凡  
聽斷痛絕請託境內無冤民擢刑部主事孤介岷  
強失諸權貴權謫山西藩幕清捺愈厲撫軍檄和  
春覈某鎮兵兵額闕主者惧罪夜餽梨三千枚裝  
金於內和春却不受還白撫軍罪主者遷衛輝同  
知宗室有辱縣令者和春曰辱官是辱朝廷也遂  
緝而寘之法人服其戇再為刑部主政多所平反

無議宥者士瑋力請監司出之其人繪像以祝曰  
何父生我三十四年陞四川保寧府同知時水寇  
猖獗士瑋度其水窟險谿分路進兵斷獲九十餘  
級寇遂平潼川有黠少年裹石橐中而假宿館八  
旦發其裝佯驚謂人曰是安得物吾金而易之石  
乎獄且成館人被笞掠無所得士瑋理之鞠其金  
所從來曰得之錢家引至錢家無應者少年遂伏  
罪四十年陞知貴陽府黔俗賃居者不令婦產於  
家貧婦輒病之士瑋建恤陰區五十間以處孕婦  
府有三庠士瑋訂刪四書指南葩苑英華分給而

課之尤執法無私豪右惕息治行為循良最四十四年陞畢烏永赤兵巡道值諸苗叛命蔓延三千餘里經畧張鶴鳴奉命討之以士瑋為監軍叅政士瑋親擐甲冑感慨誓師剽定廣撫勺哈而餘賊負固據危關從高磔石以侮人士瑋督將士架木衝鋒傾巢覆穴兩月而定四川宣撫司奢寅與貴州宣慰司安堯臣妻奢社輝爭賦烏正西等地仇殺不已士瑋往勘架入其阻勘稱使地應歸奢寅何不爭於安堯臣未死之日今奢社輝一嬖人耳其子猶在乳負欺孤非仁也奢寅之父永閻當年持議獨立不合諸察意即引疾歸家居二十年京兆馮從吾相友善尺牘往來質疑辯難慨然道道學為已任所著有中庸秘旨藏於家人稱先正坊表後學津梁云從祀鄉賢

楊于庭字子忠萬歷二十二年拔明經第一除靈石知縣適歲祲親歷里舍随地立粥廠當事者令民移粟道遠費不貲于庭以五便詳請改折色於近地之微稔處糴賑活以萬計陞太原府通判分署代州雁門夙稱重鎮時平備疎有卜素二酋各穴爭思蠢于庭條議脩邊八款

陞忻州知州州南有牧馬河衝毀城池于庭築堤障水民患以息又榆林叛兵傷叅將過代州鄰郡皇皇于庭督保甲率紳士晝夜登陴旗鼓相望燈炬朗耀賊覘之不敢宿而遁還楚府遂致政歸何士瑋字焉瑕萬歷戊子領鄉薦淡泊自守非公不至二十九年授灤州知州灤凋瘵多逋賦士瑋月望設飲禮進耆老而告之曰予不忍以催科迫民使雞犬驚心汝各自玉輸汝糧與其飽胥役之橐曷若急公之無擾乎自是糧即屆額先是民有羅抵罪逃者其于甫六歲前刺史繫之獄垂三十年以地償充臣曾幾何時頓犷悍自雄以求故地非義也若從而與之不幾教猱升木乎反覆開諭兩首帖然解仇天啟間逆璫用事士瑋語侵其黨中諛歸里杜門累徵不起

王尚質字冲淵登嘉靖丙午鄉薦授北直涿州知州州踞要區神宗車駕數遊夫馬頻仍民力不堪會補葺州南城告竣石刻題聯云日邊衝要無雙地天下煩難第一州帝又至見城聯問其故旨下盡免其夫役得古名臣微諫意陞永平府同知忤權貴被謫居家之日手不釋卷涿人德之崇祀名宦

張鳴鳳字羽王以明經官別駕博聞強記於詩文尤  
所長有桂勝桂固二集北郡李夢陽稱其文法山  
海經陶隱君真誥當今海內第一作者

楊息字用卿萬歷壬午舉鄉試乙未登進士授戶部  
主事監通州倉丁內艱起復再補戶部主事督糧  
山海關博雅能文章以足疾歸閉戶吟唔著渭濱

府新誌  
艸堂元亭三稿農談樂府諸集天啟元年修鞏昌

閻化淳泰昌間恩貢仕吳橋令時兵躡山左畿輔震  
動化淳多方防禦城賴以全河決運高運道為阻

化淳捐俸築堤河患遂息獲其淤淤為良田數十  
頃至今利之居家事毋盡孝母壽至百十二歲化  
淳老而彌篤也養未嘗少衰人以母年為孝感云  
祁繼祖鞏昌衛人世襲指揮天啟元年陞貴州遊擊  
時土司安邦彥作亂謀犯省城繼祖奉巡撫王三  
善檄潛下龍里一鼓而破蓮花堡斬首甚衆復會  
叅將王建中乘勝襲其黨宋萬化擒之以功進征  
南副總兵

石中玉鞏昌衛中兩人少篤學以選貢膺崇禎己卯  
本省鄉薦任西安同州儒學學正訓課有方士習



丕變秩滿遷湖廣襄陽府宜城縣知縣除積弊勞心撫字宜民號為石佛

崔宏鞏昌衛世襲百戶崇禎九年流賊薄郡城下焚劫村店勢甚熾巡按賈多男坐東城迎暉樓陳兵簡將督出戰諸衛弁懼宏出班請曰百戶願往賈壯焉降座與之揖把酒手扶上馬宏率衛軍出東郭行七八里與賊遇奮勇力戰雖衆寡弗敵不顧也宏善射賊應弦而倒潰奔十餘里宏乘勝追擊矢盡遇害賈哭之慟同里開封推官關永傑以內艱在籍為文以誄

李茂實字宏吾慷慨任事有烈丈夫風以歲貢任山東青州通判駐劄神鎮崇禎十三年東省大饑饑民嘯聚劫掠所過屠戮人明年正月朔盜起府城茂實追捕自本鎮至新泰縣凡十餘里屢挫賊鋒初十日賊糾各隊賊來敵衛兵潰散茂實力戰亡於陣瀕死罵不絕口

關永傑字人孟鞏昌衛人世為本衛校尉好氣節見古人忠義節烈事即錄紀四壁以自策勵萬歷乙卯舉於鄉崇禎辛未登進士司李開封以艱歸補紹興司李片言折獄多平反剔城狐社鼠之蠹消

鼠牙雀角之風所著稽山讞牘當世矜式之考績  
擢兵部主事李自成猖甚中州有帖危之勢忌者  
以永傑名疏上擢河南僉事脩兵睢陳永傑毅然  
曰此臣子效命之秋也既蒞任即繕城修備鼓士  
率以禦之十五年三月賊萬騎攻城多方捍禦力  
竭城陷手刃數賊大罵不少屈遂遇害事聞卹贈  
光祿寺少卿初永傑將之陳遣妻妾還鄉妻陳氏  
誓與俱死不肯行永傑曰我受國恩死吾分也且  
吾子未成立汝歸撫延宗嗣則兩得矣陳氏乃歸  
張傑字人傑郡學生好學能文凡竒書怪牒多收蓄  
披覽崇禎十六年十月李自成破西安十一月袁  
宗第據鞏昌守脩崔光祖糾衛弁倡義寧遠縣之  
魯班山思欲恢復而河推傑為盟主其傳檄有少  
康以一旅興夏楚人以三戶亡秦之語自成聞之  
怒遣逆將圍攻數月破之傑罵賊死妻李氏亦殉  
之詳烈女傳

皇清

郭克原名九圍字涵九前崇禎癸酉舉人丁丑進士  
授山西太原府推官讞獄持平分校首闈號得人  
秩滿以卓異召對擢刑科給事中劾權要陳時政

直聲震一時奉勅督催江南漕運軍食克濟所過  
不受餽復命轉兵科仍管刑科事闖逆僭號潛遜  
還鄉

世祖定鼎起用勝國老成被徵就道旋以憂歸優游林  
下八十一而卒所著有疑思錄崇祀鄉賢

楊恒字雲嶠于庭仲子為諸生時從京兆馮少壻學  
崇禎己卯舉於鄉

國初署咸寧縣教諭訓士有方閩中學者咸宗師之擢  
四川平武縣令值張賊殺掠之後居民稀少存者  
或竄伏谿谷間城郭里舍頽垣空壁而已恒至縣

招撫流亡收集遺民立興仁興讓二里輕徭薄賦  
荒蕪漸闢子遺賴以復生秩滿陞山東萊州府同  
知司海防時海寇出沒隣境騷然恒設沿海墩堡  
烽火相望金鼓相聞大創小擒賊不敢犯順治十  
三年入覲

世祖嘉獎備至陞刑部員外郎晉郎中同列有擠之者  
罷官歸歿祀西安名宦以昔嘗教諭咸寧云

朝定鼎授山東萊州府通判始入境次新興鎮有沙達  
孟家棟字良材隴西人崇禎十五年歲貢甲申我  
茂者山左巨寇也哨聚率數百騎直逼旅鎮居人

皆鳥獸散家棟獨端坐自若俄而賊擁衆排館門  
入家棟從容語賊曰我而公祖官奉命判府正當  
撫汝與汝決若果改圖吾為而計俾各得所賊泣  
下乞降及抵任賊果率衆納款家棟為白於憲司  
安插得所自是境無萑苻嗣因英王南征軍需匄  
午當事以委家棟調劑緩急民不至因而軍不告  
乏當路倚以為重二年陞河南開封府同知汴梁  
自兵溺後居民聚山寨中輒互相劫掠訐訟不已  
家棟請於各憲人口給還本主餘勿問而訟始息  
加意招徠多方撫字漸有生聚之像汴人號曰孟  
佛會河決金龍兩臺以其名以上家棟寢食河干  
與斲後同勞苦績用告成復堯鼓鑄絲毫無染民  
以利用屢膺薦牘陞河間府革驛傳私租之弊杜  
猾胥濫差之奸調和駐防旗兵與百姓相安如一  
家滿漢交頌無間言修葺學校撫字凋夷卓有治  
績以改調乃決意歸田去之日士民泣送御居三  
十年和易正直舉鄉飲大賓者十有四年八十六  
以終

王子望字荷澤隴西人以拔貢任同安縣令性卓犖  
篤學博極群書文宗南華太乙高自位置不屑一

隋書卷之八  
切工行草於晉唐人獨成一子求之者寶如拱璧  
熊師旦陳名夏稱為隴西才子至以長吉目之居  
官有能吏聲家居著述甚富

胡端明字又康以歲貢任雒南訓導嘗謂朱子綱目  
獨得聖人心法朝夕探討不啻常編三絕雖行笈  
必載訓雒士講明儒先緒論約諸生遵家禮士習  
大振民俗亦化

劉登科字薦吾隴西諸生家甚貧有氣節嗜學能文  
尤長於詩語出輒驚人有貴人子慕其名值霖雨  
持十錢周之遇諸酒肆有歌兒在側科即取以付  
之貴人子含怒而去其友讓之科曰吾雖貧義不  
受人憐奈何使貴介貨取焉科嘗道有聞而物色  
者科逃之蓮峯山逾年始出其妻曰此率以窮  
死詩稿數十卷亦散失王子望臣問科其詩之  
能記憶者以示闕之詩人皆歎其長言有嗣響  
其未央宮懷古詩選入

本朝詩的中

孫棫字倚天隴西人端方嗜學孝友克敦著有學庸  
心解藏於家累赴省試困於棘闈後以歲貢署白  
河縣訓導課士先德行而後文學士風為之丕變

會吳逆亂避地山中旋遘疾卒

楊慶字憲伯號潛齋五六歲時見字即辯形審音父  
奇之課之書即能了大義稍長立志研幾凡立身  
持已一以禮義為宗其學由窮理而慎獨坐立舉  
止皆中規矩中年著書屏去舉業凡制度典章下  
至名物莫不探索原委每苦篋笥不廣縱游齊魯  
燕豫間得問故家圖書歸而坐卧一室閨門兩版  
律法不廢日行則一志有定流年表壯  
喪一準家禮猶子孤幼課業完娶如已出妻張淑  
慎佐夫攻苦子孝孫順自臺使而下靡不旌門式  
閭居平甘淡泊不喜交遊勢利堅辭博士之徵三  
却鄉飲之召高風卓品深人仰企年九十三無疾  
而卒率之前三日設几筵辭親友及期具衣冠而  
逝著述甚富其大成通志劉撫軍為刊行矣其藏  
於家者有  
四書講義四卷蒙訓一卷  
詩解四卷禮解十卷大學定本一卷西文四卷史  
略十二卷潛齋處語一卷靜規一卷佐同錄一百  
二卷參合一卷古韻叶韻四卷易叶詩叶各一卷

道源圖書二卷凡百七十二卷同里揚其忠為作  
年譜歿後十二年附祀鄉賢

馬際伯字特選隴西人鞏昌府學歲貢生安貧力學  
教授鄉里多所造就服其教者皆循循有禮法性  
恬淡不苟笑不苟取終日端坐對諸生如嚴賓鄉  
人或袒裼嬉戲見之咸收斂起敬曰馬先生來毋  
放肆外雖嚴而中甚寬一生能容人過不言人短  
又不喜逢迎高其搯者屢欲致之婉辭不肯見然  
親友之際未嘗不殷勤往來也所謂清不絕俗介  
不忤物者庶幾近焉歿後諸弟子立祠祀之

宋朝楠字于蕃領康熙甲子鄉薦戊戌成進士由庶  
常遷檢討甲戌分校禮闈號稱得人轉廣西道御  
史巡視中城協理河南道歷太僕寺少卿擢通政  
司正卿性直諒聰明好學居翰苑召對每稱  
旨為御史彈劾無所顧特叅楚粵三省將弁縱逸邊  
寇並劾推卸于諸大吏直聲震一時奏疏多膾炙  
人口

聖祖特加寵眷一歲三遷方欲大用在廷復推僉都御  
史不及引見而卒

上甚惜之俾馳驛歸葬

張開元字貞菴隴西人通經史善騎射吳逆之亂從  
戎隸勇略將軍趙良棟麾下屢立戰績仕至參將  
聖祖聞其名召見景山較射奏對稱旨即授貴州黔西  
副總兵未半載擢雲南楚雄總兵威鎮諸蠻軍民  
悅服鎮滇十七年再

陞見温語移時寵錫頗加

特調寧夏總兵抵任後以插漢托河為寧夏居民樵  
牧之地夷人竊踞上疏請勦為當道所阻  
疾

上悼之賜葬祭如制

王潮海臨洮人貌魁梧技勇絕人從戎為奮威將軍  
王進寶裨將值吳逆變偽總兵余國柱等竊踞臨  
洮進寶追潮海率兵取之潮海至城下登陴直上  
手格殺十餘人開門呼軍士入柱等就擒進寶嘉  
其勇依任如左右手後隨進寶恢復四川歷有戰  
功陞授重慶總兵旋遷威寧鎮諸苗畏服以年老  
乞休其復臨洮也功居最以不戢取怨於鄉人乃  
上書自陳乞隸鞏昌得請遂挈家來隴卜居城東  
口不言兵日與隴文士相往來論者以為有南塘

風



楊鼎錡字二宗由廩生中康熙丙子舉人其先世有族譜未就續而成之又卜地宅東構家廟三楹率其族人講宗法立旋約有藍田風嘗集三百年來鄉先輩闡牘作為墨譜啟迪後學於舉子業中寓尚友之志

杜瀚字海若太學生醇謹有至性自少至壯居父母喪及王母喪哀毀盡禮不飲酒茹葷者歷九載如一日恪守家訓閉戶讀書寒暑弗輟尤好學易積三十年探索之功成周易指象五卷識者謂與其曾祖還樸公四書秘旨可以並傳

孟思智字子英孟家棟之子天性孝友族黨稱之以明經任城固訓導待士以誠造就有方士習為之丕變年老乞休諸生餞之無不流涕有失聲者居鄉不預戶外事惟日手一編課子訓孫而已

馬從龍字亦雲隴西人弱冠能文見賞於宋荔裳聶輯五諸公性恬退不樂仕進康熙壬子膺選拔授淳化縣教諭甫蒞任即欲辭去為諸生勉留三年卒告歸敝衣羸馬賦詩飲酒洒然自得識者謂有古高士風

楊其忠字子直號拂菴歲貢生少負才名九赴棘闈

不得解雖從事帖括而厲志於古與潛齋楊慶相  
倡和與隴下間晚年邁目疾選授莊浪訓導辭不  
赴家故貧不能俯仰於世惟以筆舌代耕遊其門  
經其指授者為文皆有法度撰著甚多藏於家年  
八十六而卒

孫寶德字爾升天性孝友氣度宏雅工制義好吟咏  
其父棧歿於白河寶德徒步負骸骨歸塋後以歲  
貢生司訓潼關有刁民辱凌士子者白道憲以懲  
治課士有方加意風化潼士有安定先生之稱卒  
後門人私謚曰孝文

杜蕃生杜蕃成邑庠生槐同產二男也少俱穎敏奉  
友性成妙齡即能文弱冠同補博士弟子員人咸  
稱為杜氏雙壁後蕃生以明經任渭源訓導課士  
有方各憲以其方正三署縣事寓催科於撫字渭  
民德之以老辭歸偕弟蕃成講學家塾教族人子  
弟多所成就年俱八十四歲而卒

王銘字洗心隴西人髫年工於詩出語輒驚人為文  
耻秦漢以下說書補傳註不及太師胡抑齋稱為  
關中才子後講學河湟從游者數百人邈陞文風  
為之丕振著有學庸闡微集學者宗之所與遊者

隋書 卷之八  
四十三  
陳長復吳之珽一時號為襄武三傑僅以選拔終  
士論惜之

孟暖字鳳程家棟之孫也性果毅識明敏善為人排  
難解紛闕市衆評數言立剖直者欣然不直者亦  
愧服而去髫年即補庠生卒困棘闈以明經仕岐  
山司訓待士以誠不惟造就有方而愛亦復備至  
諸生德之丁父憂解任奔喪哀毀踰節不數月遭  
疾以終

陳長復字來心即中陳恒之孫少穎異出就外傳日  
誦千言弱冠補弟子員年二十歲進士以候選

於京長復少時見習舉子業者自時藝外概束  
高閣心竊耻之凡五經全史諸子百家之書靡不  
究心為文高邁雄奇吐棄一切長洲汪武曹過隴  
見其文有闕中才子之目及售南宮總裁朱高安  
稱為曠代逸才

鮮繼侁字于再隴西人系出回鶻其先自齊遷隴世  
業詩書繼侁少穎敏出語輒驚人其世父邑庠生  
鮮景星器重之受之以學補弟子員屢困棘闈遂  
棄舉子業設科渭上課生徒多成名其族人子弟  
尤多成就蓋能不漬於俗而能化導之後以恩掄

補三水縣教諭未底任而卒士林稱其賢

景行字携即歲貢生其父諸生昂性好施予家中落  
行方成童以洗腆故去而服賈然結習未忘手披  
目覽書聲與市穀相答也甫入庠父故衾毀骨立  
毋病疏禱於神願減已筭以延母壽後母至七十  
四歲而終行一夜鬚髮頓白與鄉人楊潛齋為道  
義交講學家塾撰家訓契言兩冊先行後文頗不  
謬於前賢門下生徒成名者三十餘人易簣之日  
髮復黑鬚垂過腹越七日邸報至授延安府清澗  
縣訓導

吳周禮字方城孝友性成品行端方弱冠補弟子員  
文法秦漢學宗朱程三赴鄉試俱呈堂卒未售講  
學家塾課訓先品行而後文藝邑人子弟經其指  
授者俱為儒林翹楚僅以明經終士論惜之

王佩蘅字馨伯隴西人生而英敏好讀左國文步秦  
漢下筆有奇氣豁達大度像貌魁梧與其文相稱  
甲午領鄉薦再試春闈不第慨然曰彼投筆棄繻  
而博封者豈專事乎柔翰哉遂佐幕府以輓運功  
選授行人已酉分校順天武闈所取士文藝騎射  
俱精言官重其才器同吏部條議歸併禮部協辦

祠祭司事咸稱條議協典辛亥監督 京城東米  
 廠盡革諸弊壬子調辦儀制司及主客司事飭典  
 常慰遠賓措施出人意表其科場條議頗多刊入  
 全書癸丑禮闈

典提調弊絕風清十二月陞刑曹督捕司主政本堂  
 葛公以督捕事簡不足以展其能 題授現審司  
 積件悉清皆推平允雖鐵面無私豪強斂跡然存  
 心任恕全活最多乙卯京察列為一等陞山東司  
 副郎六月仍調左司秉公持正未嘗少懈其斷案  
 題請

世宗皇帝指名褒獎今

上元年以胃疾調浙江司副郎二年二月保送御史候  
 古引見五月以疾終於 京署連際三

朝

聖主殫心竭力盡瘁不恤丹衷清操卓識遠猷殺聞朝

野率年五十有二

恩給兵部夫馬子翺等扶柩歸里

誥封奉政大夫

董經邦字三公郡貢生志潔行方嘖笑不苟設科  
 訓士循循善誘邑人子弟多所成就郡

崇聖祠卑隘不稱制經邦慨然捐貲為諸士倡自春  
徂秋經百有八十日即家事不遑計及頓使卑者  
高曠隘者廣濶廟貌維新皆其力也次年己丑三  
子俱游泮次露旋食餼辛卯長霏領鄉薦觀政工  
部補汧陽縣知縣人咸謂聖人之報云

馮盡善字虞搯隴西人幼有夙慧五歲授四子書即  
成誦七歲治帖括下筆能貫串經書稍長補弟子  
員博極群書尤究心性理之學善章草著有書法  
要訣行世登乙酉賢書任蒲城教諭凡經其獎拔  
引掖咸次第飛騰翕然為人倫鑒陞知松溪縣事

期年之間剔弊除奸勸農課士庭無滯獄而園扉  
為之一空摠憲史溧陽嘉其才守調補諸羅諸羅  
為海島新造邑俗獷難治盡善惟以躬行化導之  
不一載邊俗大振辛亥冬島夷蠢動人情悚惶盡  
善即曉以大義嚴守禦會營兵親率鄉勇扼隘救  
應凡運調供輸之役民不知勞軍不虞匱偶以公  
過挂部議落職各憲廉其搯守績茂兩邑有保城  
輯民功復薦於

朝荷蒙

聖

知溫諭敦獎特命陝撫以原職補用又補朝邑

令盡善益加勤慎濱河地畝被患無常訟牒紛紜  
前令率不能治盡善檢勘河蝕地請於上司得永  
免歲額二千餘金丁巳六月黃河陡漲壞民居三  
百餘家即為詳請賑卹會隣邑借領豫米船道經  
朝邑之安昌邨崖崩百餘丈壓米船十二盡善抱  
病勘視督救宿處河工經旬日以疾而卒子輦等  
扶柩歸 勅封文林郎

陳紹宗字冀先幼穎異篤學能文以選貢仕醴泉教  
諭勤訓課勵士習學中寒士數人按月給麥米優  
恤醴士德之擢陞宜都令甫蒞任興利除弊理訟  
獄除強暴逾月而善政洋溢適夏亢陽紹宗晝夜  
焦勞步禱雨澤偶中暑氣回署而疾篤將終而惟  
問兩者三居任八月而歿宜民悼歎悲傷立碑記  
愛子俶扶柩歸里

補遺

金

何紹祖字繼先負性果毅貫通經史尤好孫吳兵書  
其先徽之婺源人也膺隴西尹判諸衛事遂家於  
隴焉是時金主失政秦益之民榮利蕩其正性賦  
斂罄其所資中間多故日不暇給紹祖維持調護

隋書卷之八  
掃盡積弊行軍躬自突陣不避矢石後褒勲烈陞  
右翼都統金主西討有徒單貞者私謂紹祖曰盤  
龍狼戾專恣自取倘有印心富貴共之答曰下官  
常懼福過禍生避盈居損富貴非所圖也又邠涇  
刺史完顏誕者所行不道紹祖遺書戒之曰邇聞  
治政太剛科徵太重大兵在前鄰境已虛可無慮  
乎誕由是少易轍焉與大興劉德基異契論及朝  
事共矢曰事有不濟為大金鬼足矣勿懷二心令  
萬世口誅筆伐後金亡元主封萬戶不受散資  
掛印而去使者還太宗問曰受封之際何詞報我  
使者曰言不能述復金祚已為痛心疾首何面目  
受人官祿為後隱於寧邑新寺鎮之慧峯山數月  
抱憤而卒

明

李逢春永樂甲午舉人樸實嚴毅清介性成初任榮  
河知縣擢陞石州知州所至留心撫字剔弊除奸  
詳見石州宦績志中石州崇祀名宦隴西奉入鄉  
賢

趙克述字志彭孝友性成才高學富尤善詩歌為諸  
生時見賞於太守郭師古令署漳邑司訓設講堂



嚴課程因材引掖漳邑文風由是頗振後以明經  
任涇州學正學政修明士子德之時按院蕪梅兩  
河學政歲試輦郡未發案牌示隴庠得佳卷五本  
精理為文秀氣成采嘆賞靡日知皆積學之士必  
能自決伯仲限次日當堂自決名第領卷冒進者  
責無宥及期有五人雁行而進循次報名則趙鈺  
趙鈺趙鐘趙鉞與趙鏗也位次分毫不爽按憲詢  
曰師事何人答曰鈺等俱同胞受父庭訓現任涇  
州學正趙克述也按台吉公人益加珍重表其門  
曰媿美燕山遂題陞克述為安東知縣更有賢聲

洪玉鞏昌衛人其貌奇偉勇力過人年十六以祖功  
襲副千戶天順二年遊擊陳友夏調往甘肅巡哨  
遇賊於鎮番王單騎突入賊陣斬首五級餘衆潰  
奔五年正月賊犯東園口玉率兵攻之奪回馬駝  
牛羊無算賊引去以上等功賜奇功銀牌陞正千  
戶七年韃靼大寇張掖王領所部往援深入陣堅  
往來衝突自卯至未毫無惧色殺賊亦多卒之賊  
衆我寡力盡歿於陣中事聞卹贈都指揮廕子世  
襲指揮僉事賜葬祭以旌其功

張士元字我貞隴西人性穎慧甫六歲出語不凡其

父庠生流芳奇之曰此兒五家重遠器也授之以學目過成誦十五即食餼庠中以明經任山西開喜司訓志行高潔勸課勤明擢陞江西萬載縣知縣政事明決吏不能欺天啟二年無疾而終於官署萬民肖像為文號泣奠吊者經數旬日其子貢士道顯孫庠生人偉四千餘里徒步扶櫬歸里鄉人賢之後通政宋公朝楠題其像額文中有歷世書香五代孝友之句信哉

陳九經崇禎己卯舉人由滿城知縣歷官禮部清吏司郎中著啣能集誥封奉政大夫崇祀滿次縣  
子怡任武功訓導恪亦歲貢生著墨奴集雍正癸卯進士長復著壽山集則其孫也

董柄字煦寰鞏昌衛人精騎射技勇絕倫由武生效力行間從總鎮祁公征苗蠻所至奮勇先登屢建奇功授寧夏鎮守備是時流寇劫掠命柄剿捕旆旆所至賊皆遠遁天啟四年陞貴州貴陽府遊擊以年老乞休壽登古稀而卒

本朝

閔仕字人七化淳之孫也年十三即游泮食廩餼篤學嗜古持性嚴毅巍然為士林望後以鄉薦任延

安府中部司訓學政脩明歲戊寅

聖祖巡行寧夏撫軍某將朝 過中部以厨傳未飭

過督仕毅然不屈大聲呼曰庠中寒員豈能代縣  
令卑躬疾走馬前作囁嚅態唯有解印以去耳部  
人劉爾怡贈詩有憶昨 六龍出千乘肅金鞍君  
為從容起挺身抗上官之句詳載中部名宦志中  
後陞涇陽縣教諭年六十五卒

汪宗周隴西人順治己亥拔貢生父庠生一成庭訓  
維嚴宗周與弟績周奉教不違初授雲南鶴慶府  
別駕有政聲陞昌平州知州尋遷奉天府治中甫

展驥以疾告休足不出戶泊如也年八十卒  
政大夫

汪績周字亶叔宗周季弟也幼穎悟十歲能文長敦  
孝友以明經任莊浪縣司訓課士以躬行為先一  
時翕然皆去偽除華有安定之風值小警即告歸  
居鄉與人語經史之外他無及卒年八十有二子  
三長澤深息貢生澤瀛澤灝俱諸生有乃父風里  
人咸稱其善繼云

孟治字舜臣幼聰慧稍長嗜學補增廣弟子員性恬  
退不喜奔競康熙壬子與邑諸生赴省應選拔有

同社素相親厚者曰此行子必奪幟矣治艱然曰  
士先噐識而後文藝若如此計較與攘取何異乎  
即返轅旋里自是不求聞達日唯博覽群書搜羅  
墳典其堪輿之學尤稱通微時通政張公雲翮嘗  
過齋頭題其額曰石林深坐彈琴客花徑頻開問  
字亭識者然之

駱緜賓字隴伯邑詳生識力超邁博極群書屢赴棘  
闈不第後設科冀城遊其門者皆成名士遂家焉  
其子英雍正癸卯登鄉薦任河南正陽縣令孫天  
秩妙年亦登乾隆丙辰賢書人咸稱為教澤之報

云以 覃恩封文林郎

才異

孝首百行義舉正路自非至愚不肖者誰能外之  
况當風土勁直淳樸豪俠之地哉然且古今相望  
寥寥無多者豈非至性不可以偽為而大名不可  
以虛邀抑或知由下里湮沒而失傳者多與檢舊  
志得十八九人而附入者五其得自編氓者居三  
之二然則士大夫之讀書而談道者豈才不編氓  
若哉何卓詣之憂憂也

南北朝

隋書

卷之九

李冲隴西人為散騎常侍轉南部尚書後周文明太后任之恩賞積而能蒙高祖即位政皆訪決於冲竭忠謀國舊臣咸輔莫不信服封榮陽公尋遷吏部侍中尚書冲兄弟六人四母願相悉閱及冲貴封祿皆與共之內外輯睦更相友愛人無間言元

王欽王武貞思忠俱鞏州人事親篤孝皆嘗表其門閭復共家周慶隴西人鎮西武靖王下管領細茶飯提舉鄉人稱孝焉

注世臣字漢輔世顯子世襲鞏昌副總帥事母至人以孝聞

明

曹敬德張世昌皆布衣而成勲則諸生也三人於天順間同時為其親廬墓三年人以為孝皆襄武人世昌父母歿前後廬墓六年人尤難之

徐徹隴西人仕平遙縣令諸生時事親色養備至不求人知嘉靖甲子赴省試宿於逆旅主人曰秀才隴西徐徹乎對曰然主人曰吾早起聞空中人語隴西徐某當中來科四十二名今以其孝填今科

四十二名榜於如其言

閔世安隴西人父玘年八十餘例應剋帶世安充弟子員父卒哀毀幾絕既葬廬於墓側日績毛自給偶值寇警鄉民逃避世安廬居自若有白鳥羣鼠之異

楊棟宦裔也父早喪家中落嘉靖中以貿易自河州回時辰星未起在途拾遺金三百餘兩即携囊復入河州乃河民張愈所解餉銀還之愈分金不受事聞州牧樊相欲為請旌棟堅辭而止其後郡舉為鄉飲賓

孟敦素字華菴隴西人孝友性成然諾不欺豪俠好義慷慨輕財萬歷三十四年歲饑敦素出粟減糶全活甚衆又軍需急緊代衆完糧邑令即欲征償敦素請緩期及秋成議加息又請平收官民咸悅闔邑士庶請於邑令張信民為文以述其德其畧曰君襄武望族少有至性其事二人也生則脩色脩養堂上煥斑衣之彩歿則盡禮盡哀座間產芝草之祥宗族間嘖嘖以孝聞徃之泣竹生筍者真為不墮家風乎其處鄉黨也樂善好施推解不倦或有羊舌下淚之仁或有郇成分宅之德或樹掛

徐公之劍或麥傾范子之舟人皆飲其和而食其德焉其殆積而能散者乎更可異者出粟減糶貧民賴以全活又奉上憲嚴檄徵糧三百餘石以息車突之呼余造承乏茲土深以措辦不及為憂公慨然出粟抒民之困濟予之急運訖余即欲徵償君請緩期民議加息君願平收闔邑之人咸頌謂其能奉公也能濟急也能惠人也一事而數美備焉予聞求忠臣於孝子之門惟孝子能爭公聞親親而仁民惟孝子能利人君在家遠孝矣急公利人特由是而推之耳後三十五年舉鄉飲賓

楊繼震字元清諸生自幼失怙事母至孝色養備至及卒哀毀盡禮其兄與姪雖已異居而有無相共一如同爨時督學御史以學行兼優屢加旌獎張宗讓鞏昌衛人性最孝得一味不先奉親不入口及為諸生閭門遘疫父母兄弟皆死號泣屍側匍匐治喪而疫不染有七子亦能孝

江化龍字起潜隴西人天啟丁卯舉人諸生時貧甚母病不能延醫夜虔禮北斗數粒而拜盡三升母病立起後化龍病有仙醫過其門飲以藥即愈詢其寓曰在北關普濟寺翌日訪謝寺中初無寓者



及見十大名醫像內一像宛似仙醫始悟為神也  
踰年登科匾其殿曰同人陰濟

邢自明鞏昌衛人母董氏卒自明負土築墳廬於其  
旁晝夜號泣形銷骨立鄉人美之邑令郭獎題其  
門

皇清

張錦隴西人事親孝老而彌篤人稱張孝子家順治  
十五年邑令許請褒其門舉鄉飲賓

駱中標字振宇隴西人性醇謹事雙親以孝聞兄弟  
雁行五人俱極友愛五世同居邑人躋之康熙辛

酉年叅政李興元表其門曰孝友足法

孟昌祚字泰寰少補郡庠弟子員孟敦素之孫居家  
孝友處躬端方承先世業雖饒於貲而雅好詩書

誦讀不輟三赴棘闈不第歸而築精舍於宅南顏  
曰迎暉山房琴書自娛著有首陽誌一編遇族人

親友喪婚事無力辦措不俟來叩而即應之丁丑  
歲歉煮粥濟飢頗有全活施棺揜埋人尤傳頌鄉

人爭欲祝德公辭弗受鄉人曰公祖魯戒糶救荒  
輸粟三百石完通邑糧餉捐貲二百金覓人買二

馬於邊塞完闔族軍需不與公後先輝映豈何得

固遂却之一時人咸謂能繩其祖武云

喬盛松字茂枝馬際僖字公選俱隴西人歲丁巳大饑二人慨然出粟煮粥於萬壽寺文昌宮二處邑貧人賴其生活錢宗伯給匾獎之

馬旺張海隴西人策妄之役調赴巴里坤陣亡子卹何明通邑業儒孝友性成總角便能拂暑溫席稍長竭力事親母洪患背癰醫罔效明通吮血吸膿毒盡得愈母又病親奉湯藥三月衣不解帶及歿哭泣幾絕祭殯扶襯出城號泣悲傷雙日流血立刻氣絕引紼者揮淚行道者流涕現在請旌

貞烈

撐乾坤而扶日月丈夫事也青鬃素笄婀娜閨闈無聞也當其見義不回矢死靡他經磨澀而如初輕草菅而授命即鬢眉猶多惡焉彼豈澤以詩書束以道義哉秉正氣而孤行從一而終其天性然也易曰苦節不可貞貞之難也不可強不可奪也古稱隴西尚氣槩婦人亦然舊志自明始前此闕有聞

明

李氏生員王彤妻李二一四歲彤死痛哭自縊家人

覺而救之他日送母喪見同邑王朝用登科坊歎  
曰此與吾夫齊名者夫安在哉歸縊於室郡守張  
淑安聞之偕邑令衛守往弔焉

石氏隴西生員王經妻經世居邑之通西里寇猝至  
經在田遇害方聞之即抱幼子投井死

石氏鞏昌衛左所百戶王璵妻璵卒石誓不二事姑  
撫幼子終身無失

白氏百戶汪溶妻溶卒白年二十七蓬首垢面晝織  
夜績以鞠孤鐸鐸長能孝以奉母隴西士論曰有  
節母乃有孝子 已旌

葛氏指揮汪福妻年十九福卒葛孝事舅姑歿而喪  
塋盡禮始終一節 已旌

雷氏指揮董諒妻諒早卒遺腹一子雷撫育成立襲  
父職以功陞授都指揮 已旌

閆氏鞏昌衛指揮同知趙誥妻誥故閆二十七歲三  
日不食誓甘同死縊將絕救復甦弟指揮橘外弟  
總兵柳棟諭之曰殉夫固高節奈二孤惇惇將誰  
依撫孤之心猶殉夫也因勉飲食遂絕人事撫子  
成立即至親不能見一面鄉人歎曰雖留不死之  
形實存已死之心真節婦也

王氏生員楊鑑妻二十守節

張氏監生雷劍妻二十七守節

孫氏指揮喬英妻二十五守節

王氏指揮董旅妻旅卒三月氏生遺腹子延齡撫成人守節終其身已旌

王氏千戶葛俊妻二十守節

韓氏指揮胡鑑妻鑑卒遺孤方七歲韓茹苦守之長

能其官行義著於鄉里氏至老不踰閨

陳氏指揮閻橋妻橋亡氏年二十五歲欲以死殉家

人救之不果守節至六十五卒人未見其踰戶

張氏指揮汪川妻川卒氏年二十六養孀姑惟謹撫

孤涵成立守節五十餘年壽七十餘歲

汪氏庠生王有祿妻二十二歲夫亡撫三歲孤得瑄

入泮巡按御史王公章旌其門曰貞德垂光

田氏生員孟復妻夫亡田誓不更他姓家且貧遺腹

且幼人不堪其苦而田自若已旌

楊氏隴西民張起鳳妻起鳳母蔡氏二十五歲守節

起鳳病故楊氏奉孀姑育孤子凡歷二十九年姑

以壽終家極貧子未配又天氏終不易志

齊氏隴西民何晟妻年二十五守苦節已旌

隴西志 卷之九

賈氏隴西民丁翔妻年二十八歲夫死守孤兒丁泰  
運至三十三歲病歿又撫五歲之孫教以業儒至  
成立

張氏隴西民韓承祿妻十九守歲

朱氏鞏昌衛王愛妻愛死朱年二十有八茹苦守節  
撫孤道隆入泮卒年八十四

李氏郡庠生張傑妻崇十六年賊據郡城傑倡義  
拒賊保於魯班山以圖恢復逆將圍山破之傑罵  
賊死李携一孩被賊得之李給之曰奈此孩何汝  
抱之遠地及而瘞之賊抱孩出李自縊論者曰傑  
書生無負於國李女流無愧於夫

### 本朝

王氏生員趙之英妻英逝王二十五歲三日不食縊  
死已旌

嚴氏生員鄧楫妻楫早逝遺孤六歲氏年二十二養  
親撫孤守節靡他良材甫入泮亦卒遺孤彩幼且  
瞽氏撫之長婚娶生子鄧氏一綫之脉幾絕而不  
墜者氏之力也知縣陳轅題其門曰節孝

馬氏生員羅在堂妻在堂早世馬事翁通判羅高品  
得其歡心以孝稱撫孤萬錦萬祐俱成立萬錦食

隴邑庠康熙十四年吳三桂叛偽將陳可鄭元經  
 王有祿竊據隴西搜括民財氏度不免於難因留  
 萬錦於翁側携媳李氏女羅瑞蘭避居寧遠之斗  
 底山六月賊四出劫掠二十七日直逼山下馬從  
 容語媳女曰是當死賊至馬手挽媳女墜崖死賊  
 亦為之太息同時避難山中者有陳氏貢生陳史  
 氏邑增生李國謝氏郡庠生王李氏邑諸生李氏  
祥妻女五姐大烈妻成氏里民陳杜三姐里民杜聞馬死亦墜  
 崖同盡知府紀元表曰淚山風前身躍廣崖而玉  
 碎魂飛天半骨沉幽壑而名留知縣盧仕龍教諭

孫經天皆為文表焉

石氏庠生杜峽妻二十一歲失偶僅週歲兒即以事  
 親撫孤自任時翁姑俱皓首思子而慟氏即携兒  
 往勸曰杜氏一脉惟此而大人善視之哀遂止後  
 翁星曜司訓與安未幾卒於任氏携孤崎嶇二千  
 里扶襯歸塋守節五十餘年里人皆稱節孝壽七  
 十八其子廷璋感母教育之恩亦能自立充博士  
 弟字員雍正八年題旌

杜氏生員董鎮妻二十二歲夫亡遺子奎光甫四齡  
 翁年已邁氏矢志事育翁以壽終奎光年十九即

入津守節四十年當事給匾獎之

孫氏隴西文學李阜妻年二十九夫病顧謂氏曰吾  
上有白頭下有黃口且家徒四壁脫有不測不孝  
不慈目且不瞑氏慰之曰君善自寬翁姑子女事  
勿憂也及阜病篤顧氏垂涕不已氏曰吾自有志  
此時雖矢天矢日不足信俟泉臺相見當有以報  
命耳阜歿後果克踐其言歷三十年如一日學使  
朱公採兩學師生之論題節孝匾旌之年七十三

並

洪氏指揮汪滕之妾嫡無出生子宣在襁褓中滕以

疾去世氏年方二十夫七子幼覲遺產者眈眈  
外侮內訌交作率能保其業撫其子至於成立且  
遊泮壽七十餘終子孫繁衍孫景烈華州司訓曾  
孫執桓進士靈壽令其尤著者鄉人謂苦節之報  
云

呂氏里民王敏妻年二十二夫亡家徒四壁氏苦節  
自矢孀姑在堂生養死葬無失禮教其子之貞成  
立及孫綬選拔咸均身及見之壽九十四無疾而  
終

郭氏府掾苟秉公之妻柔順有婦道事孀姑尤孝年

隴西書 卷之九  
三十秉公遘疾且危製皮衣一襲付氏囑曰我死無子子必嫁但吾血肉未寒時不可俟皮衣敝適人未晚氏泣而受之及夫死氏服皮衣縊死夫柩之旁郡邑各旌其門

包氏里民駱元圖之妻年二十九夫故遺孤三氏矢志撫之遭年荒典衣供食倍極劬勞夫歿後兩兄相繼亡嫂皆去幃氏為之殯教誨諸孤至於成立  
雍正八年 題旌

馬氏里民劉俊妻年二十七夫故衰姑在堂弱子在抱氏矢志養姑茹荼教子雍正八年 題旌

張氏隴西學生景俊妻性孝謹姑王氏患背疽氏吮膿中毒絕而復甦聞者莫不歎息年二十九夫亡誓以身殉妯娒時加防護勸之撫孤以延夫後及孤學聖長娶媳王氏年二十五學聖又亡王氏亦欲身殉時遺孤在抱張氏泣而止之曰兩世一雛何可輕死姑媳相依一門雙節張年登八十守節五十餘年王亦三十餘年矣雍正八年題請雙旌  
陳氏里民李柄妻二十一夫故僅遺一女氏衰毀自誓奉養翁姑家赤貧勤女工以養及翁姑亡典衣剪髮以葬兄嫂歿遺孤週歲氏撫之成立無異已



子鄉鄰皆稱孝慈雍正八年 題旌

張氏里民李中梅之妾幼而知禮事夫以順尤能敬

禮嫡室夫亡遺子長茂嫡出也氏撫之如已子苦

守五十餘年雍正九年 題旌

宋氏里民張雄妻于歸後恪遵婦道孝事翁姑鄉里

間有賢聲年二十七夫亡引刀斷髮誓不再醮遺

孤大經甫七歲氏紡績撫之歷盡艱瘁恬如也雍

正九年 題旌

石氏里民莫永壽妻年十六于歸二十二喪偶遺孤

三歲家徒四壁氏矢志撫孤卒能成立

郭氏里民石磐妻年十八即孀居事翁姑以孝聞遺

子舜彩在襁褓中氏鶉衣藜食撫至成立守節歷

四十年雍正十年 題旌

趙氏劉民劉斌妻二十三夫亡公姑垂老夫弟劉煥

僅九歲氏懷遺腹方三月矢志養親撫弟後產子

劉承漢貧困拮据弟與 俱成立並為婚娶其後

公姑與煥俱亡僅餘趙氏母子加以飢荒困苦相

保今已三十九年雍正十年 題旌

任氏隴西文童王訓妻十五歲適訓訓故氏矢志偕

死家人防之密未遂也會已殯防稍疎乘間經練

自縊事聞郡縣給匾獎之

趙氏里民楊興妻年二十八喪偶意欲殉夫公姑力勸撫孤遂剪髮毀面以女工奉親育子備極艱苦每夜焚香祝二親壽教子嚴而有方雍正十題旌

周氏杜暢之妻十六適夫二十四失偶撫孤而泮泮永育遺腹而繼伯嗣教養有方鄉人美之雍正十

題旌

賈氏里民高廉之妻家徒四壁守節垂五十年鄉人稱之

張氏邑庠生傅相朝之妻性淑慧年十六適夫事翁姑以孝聞兄輔朝夫婦早逝撫遺孤無異已出三十二夫故氏哀慟氣幾絕翁諭之曰吾年老且將死傅氏兩門三孤惟爾是賴爾書香家女寧不聞慷慨死節易從容立孤難耶氏允諾養育自矢三孤俱成立及翁故葬祭如禮守節二十年邑令謝于邑旌其門曰柔順堅貞

孫氏里民李璉妻年二十七喪夫奉事孀姑撫育三子竭力耕作值荒旱掘草根剥樹皮以延喙息奉姑無歎守節已三十餘年

趙氏里民李澤之妻楊氏澤弟李滾之妻趙二十八而喪夫楊二十五而失偶衰姑在堂氏各勤女紅而仰事得其歡心幼子在懷歷盡艱辛而俯育率至成立生事死塋如禮息養義方並行真賢婦而擅孝子慈母而兼嚴父者也一門雙節鄉人題之  
雍正十三年 題旌

李氏殷繼祖妻年二十九夫亡遺子二俱幼家艱窮一無倚賴氏拮据辛勤俱至成立

王氏里民彭天脩妻夫死氏勤織紡脩歷辛苦仰事俯育無缺守節三十餘年雍正十年 題旌

楊氏里民李大綸之妻年十八而于歸二十五失偶勤紡績以事翁姑擇隣處而義方訓子公姑繼逝葬祭無失禮勤儉治家子亦得孫一堂四世雍睦克篤苦節五十年雍正十一年 題旌

羅氏生員楊冕妻也性淑慎十六適冕事姑以孝聞二十八冕以疾歿羅哀慟悲切雙目泣血幾致失明親族力勸羅曰吾非不諳殉夫也祇有一哭者白髮哀姑黃口孺子奉撫惟吾責殯夫後姑亦逝塋祭如儀撫孤逢時成立苦節已二十餘年

辛氏魏宗元妻苦節三十載雍正十二年 題旌

張氏里民馬車妻十六適夫事親起敬起孝待夫如  
賓如客老成持重嘖笑不苟二十四夫亡孀姑八  
旬遺孤六歲筑筑子立之房叔馬鰲又在家思養  
氏矢志冰霜生事死葬無愆儀一室雙孤撫養教  
訓無岐視俱至成立冰心栢苦四十年未嘗少懈  
現在 請旌

樵氏里民杜福盛妻夫歿典衣殯葬食糠育子歷盡  
艱苦三十年二孤俱成家雍正十一年 題旌

黎氏里民馬文光之妻苦節三十餘年乾隆元年  
題旌

李氏文童田我縻之妻我縻鄉飲介賓田蔚林嫡孫  
也其家五世同居氏十八而適縻事上接下循循  
有禮二年夫亡氏哀慟泣血幾欲不生祖姑暨姑  
諭之曰汝書香家女寧不曉慷慨死節易從容就  
義難况汝有八月娘若生男綿吾大宗嗣則其生  
不尤愈於死耶氏遂夜夜焚香默祝柩前曰若保  
我生子誓全爾裡逾月生子潤撫育成立迄今二  
十餘年氏亦抱孫焉鄉人咸稱為節孝之報云

楊氏里民馬佐朝之妻年二十四夫亡子昇甫六歲  
家徒四壁氏食糠衣絮歷盡艱辛苦節六十年壽

八十四而卒鄉人賢之

王氏里民汪理妻十六適夫十九喪偶冰霜自矢教子霖澤成立雍正十年邑令魯旌其門曰節婦賢母

隱逸

首陽孤標千古絕跡後來者落如晨星匪獨其實難副其名亦不可假也烟霞泉石天地之奧區也苟非其人造物吝焉處士而欲盜之不其難欤北山有移文終南為捷徑可勝歎哉隴之繼孤竹而起者於晉得三人焉山川之間氣一洩於此盛已嗣是而後蔑聞焉尚論者有遐思矣

晉

朱冲字巨容南安人少有志行閑靜寡欲好學而貧常以耕讀為事鄰人失犢認冲犢以歸後得犢於

林下大慙以犢還冲冲受之有牛犯其禾稼冲屢持芻送牛而無恨色主愧之乃不復為暴咸寧四年詔補博士冲稱疾不應尋又詔曰東宮官屬亦宜得履蹈至行敦悅典籍者其以冲為太子右庶子冲每聞徵書至輒逃入深山時人以為梁官之流邑里化之路不拾遺村無凶人毒蟲猛獸皆不為害羗人亦奉之若君以壽終

董京字威輦初與隴西計吏俱至洛陽被髮行吟寄宿白社中時乞於市得繒絮結以自覆或見人排辱曾無怒色孫楚時為著作即數就社中與語遂載與歸京不肯坐楚貽之書京答以詩後數年遁去莫知所之於其寢處有詩二首

王嘉字子年隴西安陽人聰睿內明不與世人交遊隱於東陽谷鑿岩穴居弟子受業者數百人石虎之末隱於終南山符堅累徵不至著拾遺錄十卷堅將南伐遣使問世祚何如嘉曰未央咸以為吉及癸未敗於淮南乃知末年有殃也姚萇苻登相持問嘉曰吾得殺苻登得天下否嘉曰畧得之萇怒曰得當云得何畧之有遂斬之及萇死子興字子畧方殺登略得之謂也嘉死之日人有于隴上

見之者其所遺牽三歌識事過皆驗世以為神  
方技

道成而上藝成而下藝進而道見焉藝亦道之餘  
也是以君子取之然傳者或稀蓋亦難已夫僚此  
秋奕事涉於戲古人必用全副精神目注心凝外  
物一不可奪而始幾於絕况志於道乎片長弗棄  
一技必錄志例也今如之

明

邊文進字景昭隴西人成化中官錦衣衛指揮画第

一

蔣行可隴西人宏治初官職方郎中以善書名於世

呂紀隴西人善繪事尤工翎毛得者以為拱璧

黃吉中萬厯初隴西羽士楷書甚精今傳者北郭文

昌宮有匾

韓憲素不知鄉貫萬厯初客隴工草書酒不飲五十  
斤不落筆

皇清

風和尚不知鄉貫姓氏康熙十八年遊隴西好画達  
摩一筆立就神氣如生

劉清字冰壺號六南前御史應熊五代孫也好瀟洒

善戲謔康熙中以画名於時

流寓

豹浴霧而文蔚泉觸石而韻生芝蘭在室久斯移  
人夫賢者之行踪高邁偶而相遭飄然以往彼豈  
欲標芳聲於所過留姓字於人間然而廊下伯鸞  
名輝吳市舟中夏統轂噪洛都高風曼誌有不可  
掩焉者也隴之流寓著於周漢皆一時避亂居之  
卓哉首陽百世之師隗氏之世得四人焉厥後歷  
唐宋金元明僅獲一人也風何杳哉

周

伯夷叔齊孤竹君二子也兄弟讓國而逃就養西伯  
其後武王伐紂叩馬以諫不聽遂之首陽作西山  
之歌採薇而食至於餓死耻食周粟

漢

申屠剛字巨卿介休人性方直仕功曹舉賢良方正  
莽篡遂避地河隴隗囂據隴欲背漢剛說曰人所  
歸者天所與人所携者天所去將軍孤立一隅宜  
上應天心下酌人望布衣相與尚終身不忘然諾  
之信况於萬乘者哉囂弗聽

鄭興字少贛開封人少學公羊氏春秋通究其旨學



隋書 卷之九  
者師之更始中拜興諫議大夫使安集關西還拜  
涼州刺史會天水反者攻殺郡守興坐免時東道  
不通乃西歸隗囂囂虛心禮待而興耻為之屈稱  
疾不起聞囂稱王說囂不可囂遂不稱王侍御史  
杜林先與興同寓隴右乃薦興執義堅固敦悅詩  
書徵為大中大夫後左轉蓮勺令興好古學尤明  
左氏世傳左氏者多祖於興興去蓮勺後授閬鄉  
二公連辟皆不就卒於家

任延字長孫南陽宛人年十二為諸生學於長安明  
易詩春秋顯名太學太學中號為聖童值亂避兵

隴西時隗囂據四郡遣使請延不應元始初為大

司馬

杜林扶風茂陵人博洽多聞時稱通儒初客河西隗  
囂欲用之不屈弟成物故囂放林歸尋悔使楊賢  
追於隴坻殺之賢至見林身推鹿車載致弟喪歎  
曰何忍殺義士因亡去後林仕至大司空

明

卜枚字梅川先賢衛國公子夏子之嫡裔也世居河  
東河津之辛封村守先賢祠篤學嗜古有乃祖風  
尤樂交天下名士好山水之遊鹽川楊子五山隴

之名宿也其父王之知太平時往來任邠歷龍門拜謁先賢祠梅川曰與訂莫逆焉崇禎乙亥歲大饑河津地流離逃散幾盡豪右大家力亦不能支梅川曰余豈能久居此乎魯之曹州豫之溫縣雖同宗也然世遠代隔枝葉莫辯秦之韓吾親派也盍往歸哉俟歲稔再圖旋里守先人祠於是負先賢遺像挾家人僮僕而馬首西瞻焉甫臨河遇楊子於途詢其故道始末楊子曰予欲家於韓乎抑避荒而仍返韓乎如欲家於韓也聚族而處以奉先祀韓與河津何殊焉如其避荒而仍欲返韓也

子不嘗好山水耶吾雖家於西鄙而山水則稱名勝渭水出自鳥鼠潭河發源岷山流珠之洮水環於西朱圉之高峯聳於東伏羲氏之卦臺遠不距於百里殷夷齊之西山途僅隔於六十語未竟梅川欣然曰是真山真水也是真余之志也夫於是

以韓之行易為隴之遊無何客隴數年逆闖之亂尋歸不果歲辛丑楊五山捷南宮名魁天下而梅川袞且病尋卒卒之日語其子實田曰我且死不能歸故里守先人墓死且有餘憾若等教子弟耕與讀以圖反里予之志也言訖而卒故隴西卜氏

陪西言  
實始於此云

仙釋

誠明則動變化無方二氏亦然彼豈盡空元哉蓋  
亦有其本焉隴西間多異人而挂瓢卓錫徃來雲  
棲者時留異跡郡志悉芟而除之非體矣夫詭幻  
竒秘世爭艷之而二氏之真初不在此彼其冥心  
孤詣絕去渣塵或超然於物外或混跡於人間心  
如清潭澄澈行如浮雲飄忽其亦隱逸中之神竒  
者歟茲復採掇附於人物之後循志例也

三國

封衡字君達號青山道士隴西東鄉人幼學道術服

黃連五十年入山採藥百餘年後還鄉里問病者  
輒以腰間竹管藥與之立應獻帝建安間曾操招  
引四方術士衡與左慈華佗之徒十六人畢至操  
問養性法衡大畧對云體欲少勞無過虛食去肥  
濃節酸醎戒思慮損喜怒除馳逐慎房屋春夏泄  
瀉秋冬閉藏操行之有效皇甫隆遇衡衡嘗語以  
此能斷穀不食分形隱沒出入不由門戶

晉

雷王保字安國隴西人父重華母高氏夢吞金像覺  
而有孕以惠帝永興元年五月十一日生瑞雲覆  
室異香芬然幼而敏慧長而忠孝十歲行醫濟人  
咸康永興間歷仕耀州刺史西蜀南路利州轉運  
司所至廉能正直稱為神明之君太元五年特進  
金紫光祿大夫左僕射開府儀同三司明年辭官  
遊西和州白石鎮入西峯清岩洞修道以安帝元  
興三年三月初八日昇仙石簡標題隴人思之立  
祠城南湫池灣祈陽而陽祈雨而雨遂主黑池神  
後移三品石山日久圯廢雍正九年重建

山圖隴西人少好乘馬馬蹏之折其足入山中遇道  
士教令服地黃苦參散服一歲不嗜食足愈身輕

復遇道士言能從吾往吾使汝不死圖即從之編  
遊名山踰六十年歸家葬母畢遂去莫知所之

金

蕭真人不知名亦不知何許人當金之世降繫獮獸  
於紫霄觀而妖不為崇民用以寧其詳見北極殿

碑記

元

楊明道名志果隴西人太祖時汪忠烈公牒司鞏昌  
道錄安爐城隍廟服氣煉神號正一道士春秋百  
餘載

靈巖老人父米隴西人至元三年於萬壽禪寺薙  
精修戒律十二年於河南白馬寺傳演華嚴大教  
雲遊至京赴萬僧會名居第三講維那經聲音清  
亮授廣辨大師之號還鄉省親都總帥汪惟易創  
寶慶寺居之大德三年晨起沐浴禮佛畢合掌而  
逝

明

張三丰名君寶字企一一字元元世目為張邈過鳳  
翔寶雞人或曰遼東人元末辭世留頌而逝楊執  
山置棺以殮臨窆發視之復生日行千里靜則瞑

目所啖斗食輒盡或避穀數月不饑與人議論三  
教若懸河注溜洪水間往來隴西數四主汪指揮  
庸楊封君晟於汪有竹板之貽長尺許濶寸許為  
於楊換骨之術參政楊仕敏幼不慧畏置結中以  
與本傳似屬牴  
悟未詳孰是

石靈谷不知何許人官叅將棄官遊隴西隱老君山  
鑿洞居焉因號石家庵修神翁之術分身隱沒與  
人對語隨問輒答偶一瞑目即遊別地矣覺而與  
人言吾至某處語某人食某食行某事人迹之如  
其言其時即嚮日對語瞑目時也骨留洞中

趙眠陽不知何許人嘉隆萬曆之際居隴四十餘年  
終日瞑目端坐人與之食則食不與之食即十餘  
日亦不食而容貌神氣不減飽食時不言仙家事  
人亦莫知也一士見而異之迹至僻地求道亦不  
言但書於地云惜精養氣忘世慮後尸解以去  
張雪堂踪跡與眠陽同或云兩人友也

答黑麻失里宣德二年賜成就善緣圖書一顆降勅  
褒之

寶壑蘭州人遊於隴西立禪者三年因號立禪顓事  
禪門結廬蓮峯三台之巔與虎豹共卧遠近以為

神僧雲遊訪同志復至京師聚善知識談道造經  
五大部嘉靖二十七年載經歸隴西重修東郭潮  
音庵閉關檢閱汪麓峰都司涵延入妙華寺遂脫  
化於茲

鎮智字東輝父趙隴西人幼業儒有離塵志卅歲出  
家妙華寺有石竹無心招玉鳳秋波落日浴金鵝  
之句萬歷十三年講法於台山賜紫衣帽履

皇清

性昭余事楚之旺族也容貌清癯博涉典籍自幼儉  
疑富貴棄家逃禪雲遊浙閩江淮與士大夫交張

上湘蔣虎臣尤相善康熙二十八年挂錫邑之蟠  
龍寺者七年所著有九疑集諸詩數卷留叢林

觀如和尚臨洮人不知姓卓錫於邑之東林寺持戒  
叅禪至老不衰一日忽語其徒曰為我召諸檀越  
吾將作別及諸檀越疾趨至則淨體結趺合掌而  
逝邑令呂高培往視之見其胸臆溫和鼻息下垂  
歎曰此真所謂坐脫者為銘以志其塔

天性和尚俗姓閆慕禪宗祝髮於寶籍和尚持戒精  
嚴復遊蜀與破山和尚問答有所得辭歸卓錫於  
天寧寺惟閉門兀坐而已雍正九年春忽合掌說

渴結跌而逝

達捷扎世隴西人俗姓鄧甫三歲即好叅佛出家於  
天竺寺師事亦世達捷年十五聽經於西五台又  
聽講於洮陽禪定寺歸閱本寺藏經百有八卷跌  
坐瞑目悉心叅解二十八受大戒於尖巴諷經禱  
雨輒應與五珠寺尖識心最印五珠距邑百五十  
里扎世一日呼徒馳馬請尖識來又囑曰道我將  
西歸作別稍遲不相語矣及至二人鼓掌歡呼所  
言徒衆多不解語畢命取水沐浴端坐而寂

隴西縣誌卷之九終





